

IPFI LA TSHIGA

 Ndi a ni livhuwa. Nga ri dzou vha ro ima lwa tshifhinganya, musi ri tshi vhala Ipfi, ri livha kha Ipfi madekwana ano, ngauralo ari nga do dzhia tshifhinga tshinzhisa lini. Ndi ṭoda ni tshi vula na nne, madekwana ano, kha Bugu ya Ekisodo, nahone ri tshi thoma nga ndima ya 4 ya Bugu ya Ekisodo.

Huno Mushe a fhindula nahone a ri, Fhedzi, vhona, a vha nga ntendi, kana u thetshelesa ipfi ḥanga: ngauri vha do ri, MURENA ho ngo ḥivhonadza kha iwe.

Huno MURENA a ri khae, Ndi mini itsho tshandani tshau? Huno a ri, Lubada.

Huno a ri, Lu pose fhasi. Huno a lu posa fhasi, huno lwa mbo vha ḥowa; huno Mushe a mbo i shavha.

Huno MURENA a ri kha Mushe, Isa tshanda tshau, nahone u i fare nga mutshila. Huno a isa tshanda tshawe, nahone a i fara, huno ya vha lubada tshandani tshawe:

Uri vha tende uri MURENA Mudzimu wa vhokhotsi avho, Mudzimu wa Abrahamu, . . . Mudzimu wa Isaka, . . . Mudzimu wa Yakobo, o ḥivhonadza kha iwe.

Huno MURENA a dovha a amba nae a ri, Zwino longa tshanda tshau ngomu ha gopwa ḥau. Huno a longa tshanda tshawe gopwani: huno musi o no tshi bvisa, vhonani, tshanda tshawe tsho vha tshi mapele sa mahada.

Huno a ri, Longa tshanda tshau kha gopwa ḥau hafhu. Huno a longa tshanda tshawe gopwani ḥawe hafhu; nahone a tshi bvisa gopwani ḥawe, huno, vhonani, tsha . . . shanduka hafhu sa inwe ḥama yawe.

Huno zwi do khunyelela, arali vha si nga u tendi, kana u thetshelesa kha ipfi ḥa tshiga tsha u ranga, vha do tenda ipfi ḥa tshiga tsha vhuvhili.

² Kha ri kotamise zwifhaṭuwo zwashu. Huno zwifhaṭuwo zwashu two kotama, na mbilu dzashu, na dzone-vho, a thi ḥivhi arali hu na muñwe ngomu hafha madekwana a ḥamusí a re na khumbelo dla thabelo? Ni do ita uri zwi ḥivhee musi ni tshi imisa zwanda zwañu. Mudzimu nga a tendele khumbelo dzanu.

³ Khotsi ashu wa Ṭadulu, ro vhona izwi zwi pfanelo khulu, u da kha Iwe nga thabelo, ri tshi da nga Dzina ḥa Murena Yesu. Huno ro fulufhedziswa nga Ene, zwauri arali ra humbelta tshiñwe nga Dzina ḥawé, tshi do tendelwa. Iwe u ḥivha ḥodea ya muñwe na muñwe washu. U a ḥivha zwe zwanda zwashu zwa imela

zwone musi zwo ya nthā. Ndi a rabela, Khotsi, uri U do fhindula khumbelo iñwe na iñwe madekwana a ñamusi. Wana vhugala.

⁴ Huno zwino tendela Mudededzi muhulwane wa Ipfi, Muya Mukhethwa, a ñe kha riñe, madekwana a ñamusi, huno a Didzumbulule kha riñe, nahone—nahone a Didivhadze kha riñe, nga vhu—vhutanzi ha mvuwo Yawe. Ngavhe A tshi ña vhukati hashu, madekwana a ñamusi, Murena, huno—huno a dalele mbilu dzashu. Amba na riñe nga zwithu zwe A ri fulufhedzisa zwa lino ñuvha. Ngavhe Maipfi e a fulufhedziselwa ino awara a tshi vhonadzwa phanða hashu, uri ri vhe na fulufhelo, kha tshino tshifhinga tshi dinaho nga maanda tshe Wa amba zwauri tshi ño da kha lifhasi, u linga vhatu vhothe. Huno vhukuma zwo swika kha itsho tshifhinga, Khotsi, musi vhatu vha tshi lingiwa. Huno hu na kuhumbulele kunzhi nga maanda kwo fhambanaho, u swikela hu si na ane a divha tshine a tea u ita. Fhedzi, Murena, ndi rabela uri U ño ri ñivhadza, madekwana a ñamusi, zwauri U hafha nahone u na riñe, U hafha u ri farisa. Tendela khumbelo dzashu, ngauri ri zwi humbela nga Dzina la Yesu. Amene.

Dzulani.

⁵ Ndo vha na u lenga zwiñkunyana vhusiku vhuñwe na vhuñwe. Huno ndi dzulela u elekanya nga ha *iyi* khudzaipfi, fhedzi ndi iyo ya vharekhodi. Fhedzi *iyi hafha*, ndi elekanya, uri ndi yone ine nda tea u thetshelesa, kana u amba ngayo.

⁶ Vhusiku ha matshelo ndi vhusiku ha tshimima, ngauralo ni songo zwi hangwa. Ndi elekanya uri zwo...ndi humbulela uri zwo no ñivhadzwa, uri vhatu vha tea u yafhi.

⁷ Zwa vhukuma ri takalela tshumisano ya vhoinwi kha zwithu zwiñlwanne zwe Murena washu a ita.

⁸ Zwino, madekwana a ñamusi, ndi elekanya uri, nnñani ha musi ri tshi ñivha Ipfi la Mudzimu, a ri ñivhi tshine ra tea u ita. Ri nga si vhe na lutendo u swikela ri tshi ñivha zwine lufuno lwa Mudzimu lwa vha zwone. Huno, mini-ha, zwenezwo arali ri tshi ñivha uri ndi lufuno lwa Mudzimu, Ipfi la Mudzimu li amba tshiñwe, zwenezwo ri nga tevhela izwo ro takala.

⁹ Zwino arali Murena Yesu o vha a tshi khou tshimbila u mona hoñhe, ene mune, kha lifhasi madekwana ano, ñamani ya muthu, huno A ri, “Matsheló ñi do vha i tshi khou na, ñuvha loñhe,” zwino zwo vha zwi tshi ño leluwa nga maanda kha ññe u dzhia tshisamburenii musi ndi tshi ñuwa nga matsheloni, ngauri O zwi amba. Zwino, arali A songo zwi amba, zwenezwo a thi ñivhi zwine nda tea u zwi lavhelela. Ngauralo izwo ndi zwine zwa vha ngayo, kha tshiñwe na tshiñwe tshine ra ita, ri ñodou ñivha awara, tshikhathi tshine ra khou tshila khatsho.

¹⁰ Huno kha vhaswa vho ñaho, ino vhege ro lingedza u sumbedza uri Mudzimu, u bva u rangani, o ñivha vhufhelo. Izwo zwi Mu ita a si na magumo. Arali A si a si na magumo, a si na magumo, A si Mudzimu. Huno U tea u vha a re na maanda oñhe,

a re hothe-hothe, a no divha zwothe, nahone a re na maanda othe, u vha Mudzimu. Ayo ndi maanda othe, u divha zwothe, fhethu hothe, nahone—nahone—nahone u divha vhufhelo u bva u rangani. Arali A sa iti, zwenezwo Ha Mudzimu.

¹¹ Ngauralo a hu na tshi siho ngonani. Ndi riñe. Fhedzi a hu na tshithu kha Ipfi la Mudzimu; li khou ita phosho u tou fana na watshi. Huno musi iyo awara i tshi da uri zwi bvelele, Ipfi lo newaho itscho tshifhinga, zwi a bvelela. Ri nga di elekanya uri zwi ya... a zwi khou ya u bvelela. Tshinwe tshifhinga zwi a bvelela huno a ri zwi divhi. Yesu o amba, tshinwe tshifhinga...

¹² Vho ri Khae, “Ndi ngani vha—vha... vhamanwalo vhothe vha tshi amba zwaauri ‘Eliya u fanela u thoma a da?’” Ni a vhona, zwino, izwo vho zwi tenda. Vho tenda uri Eliya u khou da.

¹³ Huno Yesu a vha sedza, huno a ri, “Eliya o no di da, huno a no ngo mu divha.” Ni a vhona? Zwino, ni a vhona, zwo fhira tsini ha avho vhamanwalo, vhashumeli, vhafunziwa. Huno ho vha hu Yohane Mulovhedzi, huno u da nga ndila inwe na inwe ye Eliya a vha o tea u da ngayo, naho zwo ralo a vho ngo mu limuwa.

¹⁴ Huno zwino zwo ri fanela u limuwa awara ine ra khou tshila khayo, na tshifhinga tshine ra khou tshila khatsho. Kha izwo, madekwana a namusi ndi todou amba nga ha: *Ipfi La Tshiga*.

¹⁵ Liñwalwa li songo doweleaho, naho zwo ralo Mudzimu u ita zwithu nga ndila dzi si dza misi. Izwo ndi zwine zwa Mu ita Mudzimu, ngauri Ene u—Ene u a mangadza. Huno tshinwe na tshinwe tshine A ita, U—U a tshi ita, A nga tshi ita lu mangadzaho, ngauri U a mangadza.

¹⁶ Zwino, *Ipfi La Tshiga*. Huno ndi lone... Hu na Ipfi kha tshiga. Hu na ipfi kha malofha. Malofha o amba e mavuni, na—na zwiñwe-vho, “Malofha o lugaho a Abele o amba a tshi lwa na Kaini.” Huno Bivhili yo ri, “Malofha a Yesu Kristo a amba zwithu zwiñlwane u fhira zwe malofha a Abele a ita.”

¹⁷ Zwino luña Iwashu madekwana a namusi, kana vhupo hashu, vhu vula kha Ekisodo. Huno tshifhinga tsha Ekisodo ndi tshifhinga tsha u vhidzela nn̄da, nahone mupfuluwo wo vha u tsini.

¹⁸ Mushe, mulanda wa Murena, o vhidzelwa kha vhu—vhuimo ha mushumo. Huno a tshi khou ita zwe a elekanya, o vha o funzea nga maanda kha la Egipita, o guda hothe vhu—vhutali ha VhaEgipita, huno hu tou nga o vha e na ndi—ndila, ya uri nga u vha mukoni muhulwane wa zwa mmbi, o vha a tshi kona u phulusa vhathu vhawé kha vhupuli, nge a vha e Farao a tevhelaho. Huno zwo vha zwi tshi do vha zwo mu lelutshela hani u vha o zwi ita. Fhedzi, ni a vhona, arali izwo zwo vha zwi tshi do vha zwo ralo, zwenezwo zwo vha zwi tshi do vha zwo vha tshithu tsha mupo.

¹⁹ Mudzimu ha dzhii zwithu zwa mupo. U dzhia zwithu zwi re nga nt̄ha ha mupo u Disumbedza.

²⁰ Ngauralo kha miñwaha ya mahumi maña ya pfunzo, ya nt̄hesa ye a kona u i wana, na ya khwinesa ye a kona u i wana, tshikola tsha tshikolo tsha khwinesa tshe a vha a tshi nga vha tshone; e na pfeseso i bvaho ha mme awe, mudedekadzi wawe, uri o vha a tshi khou do vha ene a no do phulusa vhathu; huno a bva nga maanda a pfeseso yawe, huno a vhulaha Muegipita. Huno, u bva afho, a wanulula uri nungo dzawe dzo kundelwa, huno a mbo shavhela sogani.

²¹ Huno zwe Egipita, kha pfunzo, ya zwi dzhenisa khae kha miñwaha ya mahumi maña, two dzhia Mudzimu miñwe miñwaha ya mahumi maña u zwi bvisa khae, ni a vhona, u itela uri a si fulufhele milayo yawe ya pfunzo. O vha a tshi do fulufhela kha zwi re nga nt̄ha ha mupo.

²² Huno zwino tshifhinga tsho vha tsho no sendela tshe Mudzimu a ita pfulufhedziso, kha Abrahamu, miñwaha ya mahumi maña tshifhinga itsho tshi sa athu swika, ya uri mbeu yawe i do dziilela shangoni lisili, na zwauri vha do pfuluswa. Nga murahu ha miñwaha ya mahumi maña, vha do pfuluswa nga tshanda tsha maanda. O vha a tshi do phulusa vhathu vhawé nga tshanda tsha maanda. Huno musi tshifhinga tsha pfulufhedziso tsho no sendela, ho vha hu hone Mudzimu a tshi vhea Mushe vhuponi. Mushe, nga u kundelwa hawé vhukumakuma, a vha o no ya sogani.

²³ Zwino tshifanyiso hafha, hu na tshifanyiso tshi mangadzaho tshine ra vha na ngoho ya uri tshi sa ri pfuke. Ni a vhona? O fanyisa, Mudzimu o vha a tshi khou bvisela Israele, vhathu Vhawé, nn̄da, lushaka, lushaka lu tshi bva kha lushaka. Lushaka lu tshi bva kha lushaka, tshifanyiso tsho nakaho tsha ñamusi, tsha uri Mudzimu u khou vhidzela Muselwa Wawe nn̄da ha tshivhidzo, Muselwa wa Tshikriste a bvaho kha tshivhidzo tsha Tshikriste, Tshivhidzo tsha Muselwa tshi bvaho kha tshivhidzo, tshine tsha vhidzwa, Bivhilini, ha ambiwa ngatsho.

²⁴ Ndi na notsi dzi re na tshivhalo na Mañwalo o ñwalwaho hafha fhasi, nga ha ngudo iyí madekwana a ñamusi.

²⁵ Tshi vhidzwa, nga zwiñwe zwifhinga, "Vhakhethiwa, Vhanangiwa, kana Masalela a mbeu ya musadzi." Tsho vha tshi tshi vhidzwa, "Muselwa," tshe Mudzimu, nga u dzula Hawe o ñivha, a tshi tela u ralo. Itsho ndi, Muselwa a tshi bva kha tshivhidzo. Ni a vhona, tshithu tshothe ndi tshivhidzo, fhedzi Mudzimu u bvisa vhathu kha itsho tshivhidzo, sa Muselwa. O ri U do ralo. Huno O zwi ita, dzhielani nzhele, kana U do zwi ita.

²⁶ Dzhielani nzhele, vhonani nga ndila ye A zwi ita, na mukhwa na nga ndila ye A zwi ita. Ri ñodou i sedza zwino, zwiña A tshi bvisa Israele, nga ndila ye A zwi ita, na mukhwa we A—A zwi ita.

²⁷ Dzhielani nzhele musi tshifhinga tsha Ipfi lo fulufhedziswaho tshi tshi khou yo khunyelela, Mudzimu o vhidza Mushe, nga u ta, huno a mu nanga uri a ite mushumo. Ni a vhona? Mudzimu tshifhinga tshothe o vha na muthu o lugelaho, nga tshifhinga tshenetsho. A hu na tshi no kundelwa hu na Mudzimu. O zwi amba; a zwi nga kundelwi. Arali zwi tshi kundelwa, zwenezwo Mudzimu u a kundelwa, ngauri Mudzimu ndi Ipfi.

²⁸ Dzhielani nzhele, zwino, Ipfi lo do tea u vhonadzwa. Huno musi Ipfi lo do tea u vhonadzwa, la pfulufhedziso, Mudzimu tshifhinga tshothe u rumela muporofita u vhonadza iyo pfulufhedziso, ngauri Ipfi la Murena li da khae.

²⁹ Mushe, o dzulaho o odeinelwa ndivho, o vhidzelwa uyo mushumo. A hu na muñwe-vho we a vha a tshi nga kona u u ita.

³⁰ Musi Mudzimu o—o vhidza muthu uri a ite mushumo, a hu na ane a nga dzhia vhuimo hawe. A hu na ane a nga dzhia vhuimo hanu, tshiṭaluli tshañu tshi songo ḋoweleaho.

³¹ Ndi lungana ndi tshi mangala, nga ndila ye nda takalela u dzhia vhuimo ha Oral Roberts, nga ndila ye nda takalela u dzhia vhuimo ha Billy Graham, muthu o raloho. Vhunga Billy Graham, u ya a amba na vhathe vho thetshe—lesaho, a vhidzela vhatazwivhi kha alitari; a zwi hangwa nahone a ya hayani, a sa tee u ima heneffo nahone a ita tsimbe hafhu. Ndi nga si kone u vha Billy Graham, fhedzi na ene Billy Graham a nga si kone u vha nne. Ri vhavhili... Ndi nga si kone u vha Oral Roberts; Oral Roberts a nga si kone u vha nne.

³² Inwi ni, muñwe na muñwe, o dzula kha ekonomi ya Mudzimu, u itela fhedzi vhuimo hayo. Muñwe u qidzima zwiliwa tshifhinga tshothe nahone u amba na Mudzimu, musi muñwe a tshi pandela vhodiabolo ngauri uyu muñwe a tshi khou didzima zwiliwa. Fhedzi wothe ndi Muvhili wa Kristo u no khou shuma zwithihi, vhuthihi. Musi ri tshi vhona izwi zwithivheli zwa dinomineisheni zwi tshi ri khaukanya, izwo ndi zwine zwa vhaisa mbilu yanga, ni a vhona, ngauri itsho ndi tshone tshithu tshire tsha ri fhandekanya. Ri vhatihi.

³³ A hu na vhathe vhahulu vhukati hashu, vhathe vhahulwane a vhaho vhukati hashu. Rothe ri a fana. Ri vhana vha Mudzimu. Hu na muhulwane muthihi fhedzi vhukati hashu, huno uyo ndi Kristo. Ri fanela u Mu limuwa. Huno arali ri tshi ṭoda khuliso, nga tshashu, ri nga si vhe na lutendo, ngauri ri a tendana. Ri tea u vha na lutendo kha Kristo. Ndi Ene vhukati hashu ane ra tea u vha na lutendo khae, huno zwenezwo ra vha na lutendo kha zwine A khou ita na zwe a ri nea zwone.

³⁴ Zwino, a hu na we a kona u dzhia vhuimo ha Mushe. A hu londwi uri u gidima zwingafhani, nahone a hu londwi uri o lingedza u ṭutshela kule haho zwingafhani, naho zwo ralo Mudzimu u ḋivha zwine A khou ita. O ḋivha zwenezwo zwe A

do tea u dzhia huno a ita kha Mushe. Izwi zwithu two do tea u bvelela. Zwino, sedzani, a hu na we a kona u dzhia vhuimo hawe.

³⁵ Zwino sedzani. Mudzimu o mu nea tshiga, u sumbedza mbidzo yawe na mbilo, musi a tshi tsela fhasi kha la Egipita.

³⁶ Zwino, tshifhinga tshothe Mudzimu u nea mudinda tshiga, na ipfi la itsho tshiga. Huno itsho tshiga tshi divhadza uyo munna, arali tsho nwalwa Luiwaloni.

³⁷ Vhunga Yohane o ri, "Ndi nne ipfi la uyo a no huwelela phangani."

Vha ri, "Naa ndi iwe Mesia?"

³⁸ A ri, "A si nne Mesia. Fhedzi ndi nne ipfi la uyo a no khou huwelela phangani, sa zwe muporofita Yesaya a amba." O kona u divhadza zwi khagala.

³⁹ Huno zwino, zwenezwo, kha izwo, ri wana uri Mudzimu, tshifhinga tshothe, na kathihi ha shandukisi ndila Yawe ya u ita tshinwe tshithu. Ha koni u shanduka. Mudzimu u ita tshinwe na tshinwe nga ndila i fanaho kokotolo, musi A—A tshi vhekanya sisteme Yawe.

⁴⁰ Sa zwe nda amba vhuinwe vhusiku, O dzhia tsheo nthihi, muthu u tea u tshidzwa nga Malofha o shululwaho a Uyo a si na mulandu. Ro lingedza tshinwe na tshinwe-who, uri muthu a tshidzwe. Ro lingedza u mu isa fhethu he ra fhaña dorobo, Nebukadanetsara o ita. Huno vho fhaña thawara, Nimirodo o ita. Vho vha vhe na mulayo. Huno vho vha vho no vha na dzithembele. Vho vha vho no vha na zwivhidzo. Vho vha vho no vha na madzangano. Vho vha vho no vha na sisteme dza pfunzo, sisteme dza dinomineisheni, vha tshi khou lingedza u disa muthu kha Mudzimu. Yone, yothe, yo kundelwa. I do kundelwa tshifhinga tshothe. I vhuyelela murahu kha Malofha o shululwaho!

⁴¹ Ndila ya Mudzimu ya u ita tshinwe tshithu yo ambiwa Ipfini Lawe. Huno ili Ipfni ndi nzumbululo yothe ya Yesu Kristo, a hu na tshi no tea u engedzwa Khalo kana u tusa Khalo. "Ane a zwi ita," Bivhili yo ri, "mukovhe wawe u do bviswa Buguni ya Ngwana ya Vhutshilo," arali a tshi engedza nga tshinwe kana u tusa tshinwe Khalo. Itonu Li dzhia nga ndila ye La nwalwa ngayo.

⁴² Bivhili a i todii muñwe uri a I talutshedze, Mudzimu Ene muñe ndi muñalutshedzi Wawe. U Li talutshedza nga u ita uri zwe A amba zwi khunyelele. Izwo zwi a li ladza. Arali Mudzimu o zwi amba, nahone A zwi ita, ndi zwenezwo fhedzi. A zwi todii muñalutshedzi. Bivhili yo ri, "A si la thalutshedzo yo dzumbetshedzwaho."

⁴³ Ndila ya Mudzimu ya u zwi ita! U dzulela u vha wa ngoho kha tshiga Tshawe tsho runwaho, A tevhela nga ipfi Lawe; u bva, tshee, Mudzimu a rumela tshiga kha lifhasi. "Zwino Mudzimu ha

iti tshithu na kathihi,” Bivhili yo ralo, “u swikela A tshi thoma a tshi sumbedza vhalanda Vhawe vhaporofita.” Zwino ngauri, inwi... Arali izwo two khakhea, zwenezwo zwiñwe zwazwo zweþhe two khakhea, ni a vhona. Ha iti tshithu na kathihi u swikela A tshi tshi tana.

⁴⁴ Huno uyo muvhoni, muporofita, u tea u divhadzwa, uri zwine a porofita, ri zwi wana kha Numeri 12:6, uri zwine a amba zwi a khunyelela. Zwenezwo, zwi tendeni. Fhedzi arali zwi sa khunyeleli, zwenezwo ni songo zwi tenda. Huno zwi tea u vha zwa iþo, Lawe.... A hu londwi uri u amba zwingafhani, huno zwi a khunyelela, na tshiñwe na tshiñwe; arali zwi si u ya nga Ipfi, zwenezwo zwi kha di vha two khakeaho. Zwi tea u farana na Ipfi. Zwi fanela u vha ngonani na Ipfi u itela tshiga tsha itsho tshifhinga, tshifhinga tshire vha khou tshila khatsho.

⁴⁵ Zwino, izwi two fulufhedzisa nga Mudzimu, zwauri O vha a tshi khou yo phulusa vhathe Vhawe nga tshanda tsha maanda. Zwino, musi iþi Ipfi, Ho ngo vhidza tshifhe, Ho ngo vhidza rabî, Ho ngo vhidza mudivhalea. O vhidza mulisa, nnda thavhani, mutendeleki, o bebwaho, muporofita o tiwaho we a si ȣode mushumo wawe.

⁴⁶ Musi ni tshi pfa vhathe vha tshi tama u vha *itshi, itsho*, kana *tshiñwe, tshiñwe* tshithu, ni fhaþuwe, na kathihi Mudzimu ha vha shumisi. Mudzimu o do tea u zwima Mushe, u mu wana. O do tea u zwima Paulo, u mu wana. O... Ndi muthu ane a sa ȣode u zwi ita, a vha ȣodi zwithu; zwenezwo Mudzimu u dzhia uyo muthu, ane a sa do ita, uri A kone u tana vhugala Hawe ngazwo.

⁴⁷ Zwino fhaþuwani. Tshiñwe na tshiñwe—tshiñwe na tshiñwe tshiga tsha vhukuma tsho rumelwaho nga Mudzimu tshi tevhelwa nga ipfi. Zwino ni dzhiele nzhele hafha, linwalwa ndi... tshiga na ipfi. “Arali vha si nga tendi ipfi la tshiga tsha u ranga, zwenezwo vha do tenda ipfi la tshiga tsha vhuvhili.” Zwino, tshiga tshi na ipfi. Huno, zwino, tshiga tshiñwe na tshiñwe tsha vhukuma tsho rumelwaho nga Mudzimu tshi na ipfi, huno iþo ipfi li fanela u amba u ya nga Ipfi lo nekedzelwaho iþo duvha, nga u tou ralo kokotolo.

⁴⁸ Arali ipfi li tshi da, ipfi lenelo lithihi la kale la tshenetsho tshithihi tsha kale... Inwi ni vhona tshiga, kha ndi ri, huno tshiga tshire munna a khou ita ndi kwonokwo kuhumbulele kuthihi kwa kale, zwenezwo ni nga amba nga itsho tshifhinga, “Itsho a tsho ngo bva ha Mudzimu,” arali tshi tshi dzulela u divhadza wonoyo muhumbulo muthihi wa kale. Na kathihi a tsho ngo ita. Na kathihi a tsho ngo ralo. Tsho vha tshi tshi do lwa na mbekanyamushumo ya Mudzimu.

⁴⁹ Tshi tea u vha tshiñwe tshithu tshiswa. Tshi tea u vha tshiñwe tshithu tshire vhathe vha sa tshi pfesese. Tshi na... kana tsho vha tshi si nga rumelwi. A hu na ȣodeya ya uri tshi rumelwe, arali hu iyo theolodzhi nthihi ya kale. Tshi tea

u vha tshiñwe tshithu tsho fhambanaho, naho zwe ralo tshi tea u ñivhadzwa Ipfini, zwauri ndi tsha ilo ñuvha. Ni a vhona, zwivhuya zwa Ipfi la Mudzimu, zwi tea u vha zwenezwo. A hu na khakho khazwo. Zwi tea u vha Ngoho; zwi tea u khwañisedzwa nga Mudzimu, Ngoho. Huno muthu a no zwi amba u tea u khwañisedzwa nga Mudzimu, u vha muvhoni a bvaho ha Mudzimu, kana zwe khakhea; a vha vhuyi—a vha vhuyi vha zwi vhona, na luthihi, a vha vhuyi vha zwi tenda.

⁵⁰ Zwiga zwi—zwi bva ha Mudzimu. Tshiga tshi no tevhela . . . Kana, ipfi li no tevhela tshiga li fanela u vha ipfi la Mudzimu li amba zwi bvaho kha Ipfi, la itsho tshikhathi. Naa ni a zwi pñfesesa? [Tshihidzo tshi ri, “Amene.”—Mudz.]

⁵¹ Mudzimu u ñea zwiga. Naa U zwi itela mini? Tshifhinga tshothe u ñea zwiga! O vha vhudza uri izwo ndi zwine vha do Mu toda khazwo, zwiga. Mudzimu u ñea zwiga u kunga vhathe Vhawe. Zwino kha ri gude hezwi, ñga hothe. Ni a vhona, zwiga zwi ñewa u kunga vhathe. Ngauri, musi tshiga tsho rumelwaho nga Mudzimu tshi tshi ñewa, Mudzimu o lugela u amba. Mudzimu o lugela u amba, musi tshiga tshi tshi ñewa. Arali tshi tshi bva Tađulu, tshi bva ha Mudzimu, huno Mudzimu o lugela u amba nahone U khou lingedza u kunga vhathe.

⁵² Huno Ipfi li da kha muporofita Wawe. Huno muporofita u ñivhadzwa nga tshiga tshire a ñana, huno zwenezwo u ña kha Ipfi nahone Ipfi la vhonadzwa. Izwo zwi a li ladza; a zwi todi inwevho ñhalutshedzo. Mudzimu o no di zwi ñalutshedza. Ni a vhona, zwi tou vha zwe fhelelaho u ya nga hune zwi nga vha ngaho.

⁵³ Zwino dzhielani nzhele, Mudzimu u ñea zwiga u kunga vhathe.

⁵⁴ Hafha, tshiñaka tshi dugaho tsho vha tshi tshiga tsha u kunga muporofita; tshiñaka tshi dugaho. Mushe o vha, murahu ha soga, a tshi khou lisa nngu dzawé, mulisa wa nngu wa kale, miñwaha ya mahumi mañanu na mararu, ndebvu ndapfu; a tshi khou tshimbila, fhasi nga thungo ha ndila yo ñowealeaho ya kale, ñga mañwe matsheloni a fhisaho, khamusi. Huno zwenezwo, khathihi fhedzi, ha ña tshiñaka tshi dugaho Mulilo, huno itsho tshiñaka a tsho ngo swa. Zwe ralo, izwo zwe vha zwi songo ñowealea tshothe.

⁵⁵ Zwino, Mushe e musaintsi, lwe, a vha o funzwa nga vhuñali hothe ha Vhaegipita, huno vho vha vhe vhasaintsi vhahulwane u fhira vhanra vha navho ñamusi; ngauralo nga u vha musaintsi, zwi vhonala unga o vha a tshi do vha o ri, “Zwino ndi do ya nda vhona uri ndi lushaka lufhio lwa ma . . . lwa khemiki lwo fafadzelwaho kha ayo mañari, zwine uyo muri wa sa swe.” Ni a vhona, arali o vha o da khawo nga ndila ya saints, na kathihi Tsho vha tshi tshi do vha tshi songo amba nae.

⁵⁶ Huno na ñamusi zwe tou ralo, musi ri tshi khou lingedza u ña nga tshikolo na pfunzo, nga ndila ya saints, ni ño

kundelwa u wana Mudzimu nga maela dza milioni. Idani khazwo vhunga Mushe, o bvula zwienda zwawe; a tshi ditukufhadza, u ditukufhadza.

⁵⁷ Huno, zwino, heneffo ho vha hu na tshiga tsha u kunga muporofita. Zwino, heneffo, itsho tshiga tshi tea u vha na ipfi. Huno musi ilo ipfi lo amba, arali Lo vha li tshi do vha li si la Luñwalo, a thi tendi zwauri muporofita o vha a tshi do vha o li thetshelesa. Fhedzi sedzesani uri ipfi lo vha li la Luñwalo hani le la fhelekedza tshiga, lo sumbedza uri ho vha hu Mudzimu, ngauri O ri, "Ndo pfa u gomela ha vhatu Vhanga, huno Ndi elelwa pfulufhedziso ye Nda i ita khavho." Ni a vhona, tshiga, ha mbo da ipfi la Luñwalo murahu ha tshiga.

⁵⁸ Zwino izwo zwi sumbedza kokotolo zwine nda kha di bva u zwi ḥalutshedza. Tshi fanela u vha tshiga tshi bvaho ha Mudzimu, huno, arali tshi tshone, hu na ipfi la Luñwalo murahu hatsho, u itela pfulufhedziso ya ilo ḫuvha. A si itsho tshikolo tshithihi tsha kale; vhorabi na zwithu vho vha vha tshi khou ya zwikoloni, kana tshiñwe na tshiñwe, tshifhinga tshothe, tshifhinga tshothe, vhotshifhe, na vhañwe-vho. Fhedzi itshí ndi tshiñwe tshiswa, huno ndi tsha Luñwalo, ndi pfulufhedziso; na tshiga tsha u kunga muporofita.

⁵⁹ Huno-ha, O amba zwino, a sa athu U tsela heneffo fhasi, u tea u vha na tshiñwe tsha u mu khwathiasedza uri ndi ene muporofita, ni a vhona, vha sa athu mu ḥanganedza. Ha pfi, "Vha nga si ri Murena o bvelela kha nne."

⁶⁰ Ha pfi, "Zwenezwo, Ndi do u nea zwiga zwivhili zwine wa do ita, huno izwo zwi do kunga vhatu. Huno musi vhatu vho no kungiwa, zwenezwo amba aya maipfi khavho, 'Ndi nne Mudzimu wa Abrahamu, Isaka na Yakobo, huno Ndi elelwa pfulufhedziso Yanga.' Huno Ndo u rumela henengyeo u vha phulusa, huno Ndi do vha na iwe."

⁶¹ Naa no dzhiela nzhele tshiga tshawe tsha u thoma? O vha e na tshakha dzotho dza u edza havho. Nnyi na nnyi o lingedza u posela ḥowa fhasi. Izwo ndi... Arali izwo hu si kuitele kwa vhatu, a thi divhi zwine zwa vha zwone, ni a vhona. Ni a vhona? Fhedzi vho vha na lushaka-de lwa ipfi murahu hatsho? A hu na; ipfi la Egipita la shango. Naho zwe ralo vho vha vha tshi kona u ita tshiga, fhedzi a vho ngo vha na ipfi murahu hatsho, u tshi tikedza. Fhedzi Mushe o vha e na MURENA U RALO. Iyo yo vha i yone phambano. Vhaedzi vho fhedzisela nga u ya phanda tshifhinga tshilapfu, fhedzi vha fhedzisela nga u ngalangala.

⁶² Naa ni a divha uri Bivhili yo ri izwo zwi do itea hafhu maduvhani a u fhedzisela? "Vhunga Yannesi na Yamburesi vho pikisa Mushe, na muthu wa ḥhalukanyo yo gomalaho u do ralo malugana na Ngoho." Ndi nnyi a re Ngoho? Yesu Kristo ndi Ngoho. Ni a vhona? "Thalukanyo yo gomalaho malugana na Ngoho."

⁶³ Zwino Yehova u khou yo amba nga Ipfi Lawe la pfulufhedziso. U fanela u mbo di ita uri uyu muporofita a lugele u rumelwa phasi. Ngauri, zwi dzula zwi kha kuelekanyele Kwawe, kuitele Kwawe kwa u ita, tshifhinga tshiñwe na tshiñwe u ruma muporofita Wawe e na Ipfi, huno a khwañisedza muporofita.

⁶⁴ Hafhu, itsi ndi tshiga tsho fulufhedziswaho. Muporofita, ene muñe, ndi tshiga. Bivhili yo ralo. Musi ni tshi vhona zwifhinga zwi tshi tuwa, huno zwenezwo na vhona hu tshi da... Dzhiani qivhazwakale ya Bivhili, ni i gude. Musi ni tshi vhona u tuwa ha tshifhinga; fhedzi musi no tou vhona muporofita a tshi bvelela, ho vha hu tshiga tsha khañhulo. Mudzimu o vha a tshi khou yo hañula shango, musi A...kana lushaka, kana vhathu, musi no vhona muporofita a tshi da. Ndo no rera thero nga hazwo, inwi muthu a no theipha ni a eélwa, yone... *Tshiga Vhukuma Tshi Songo Dzhielwaho Nzhele*. Tshifhinga tshoñthe a vha tshi dzhie li nzhele, tshifhinga tshoñthe vho ita nga u ralo, fhedzi ho vha hu tshiga tsha khañhulo i no khou da.

⁶⁵ Zwino Ipfi Lawe li khunyelela ipfini Lawe. Zwine A fulufhedzisa, U mbo di khunyeledza Ipfi Lawe nga ipfi.

⁶⁶ U da ha muporofita ndi tshiga tsha tsivhudzo ya uri khañhulo i tsini. Zwo ralo tshifhinga tshoñthe. Kha ndi tou redza tshithihi.

⁶⁷ Vhonani Noaxe a tshi thunuwa mađuvhani a u fhedzisela, kha—kha a shango la musi muđalo u sa athu da, muporofita a tshi khou porofita. Ho vha hu mini? Khañhulo yo rwa nga u ḥavhanyedza ngavhuya.

⁶⁸ Mushe o dzhena Egipita, muporofita o khwañisedzwaho a re na zwiga zwa muporofita. Ha bvelelani? Khañhulo ya rwa Egipita zwenezwo ngavhuya.

⁶⁹ Eliya u da vhuponi, muporofita, huno a porofita kha Ahaba na ulwo lushaka. Ho bvelelani? Khañhulo yo lu rwa zwenezwo ngavhuya. Ndi zwone.

⁷⁰ Yohane Mulovhedzi u a da, sa tshiga. O vha e muporofita. O vha e tshiga tsha muporofita tshi da ho kha liphasi. Vho zwi divha, musi a tshi da, Mesia o vha a tshi do amba, nga murahu hawé. Zwo do tea u ralo, uri, a wane—a wane vhanangiwa.

⁷¹ Izwi zwo itelwa u wana vhathu vho nangiwaho vhane vha khou bva, vhunga mađuvhani a Noaxe. Vhunga mađuvhani a—a Eliya, vha zwigidi zwa sumbe kana vha mađana a sumbe, kana zwiñwe na zwiñwe zwe zwa vha zwi zwone, vhe vha si gwadame, u vha vhidzela nnda. Yohane a tshi khou vhidzela vhanangiwa nnda, nahone a vha nekedzela kha Kristo musi A tshi da, a rengisedza tshiyhidzo tshawe, a ri, “Ndi fanela u tukufhala, Ene u fanela u hula, ngauri,” o ri, “Ndi tou vha ipfi Lawe, li huwelelaho phangani, ‘lugisani ndila ya Murena.’” Huno Yesu u da nga yeneyo ndila nthihi. U ita uri vhanangiwa vha lugele u pfa ipfi la Mudzimu, izwo ndi zwine tshiga tsha vhuporofita tsha vha

zwone. Oo, arali ni tshi pfesesa iyi milaedza, itani uri mu-... itani uri vhanangiwa vha qilugise. Hu si vhañwe, na kathihi a vha nga zwi pfi. Ndi vhanangiwa vhe vha vhidzwa.

⁷² Naa uyo Muruňwa o da kha nnyi, Sodoma, o itaho itsho tshiga? Kha Abrahamu na tshigwada tshawe. “Sendelani kule ha Sodoma; u khou yo swa!” Ni a vhona? Yesu o fulufhedzisa uri u do dovha, ni a qivha, hafhu, kha Sodoma uyu. Zwino dzhielani nzhele.

⁷³ U itani? U ita uri vhanangiwa vha lugele vhukhudo ha Mudzimu, vhunga tshifhingani tsha Noaxe, na zwiñwe-vho.

⁷⁴ Huno u itani? U haṭula mutendi wa ndivho, uri a ye khaṭhuloni. O ralo tshifhinga tshoṭhe. U lamba khathutshelo, a hu na tsho salaho nga nn̄da ha khaṭhulo. Ngauralo u ita uri mu—mutendi wa ndivho na mudzia-u-sa-tenda vha lugele khaṭhulo. Ngauri, vha itani? Vha a mu sathula.

⁷⁵ Ndi ngazwo Vhayuda vha tshi la ḥama yavho. Ndi ngazwo malofha o elela nn̄da ha dorobo musi Tito, dzhenerala muhulwane wa Vharoma, o dzhena ngomu heneffo o namela, nge vha landula Muya Mukhethwa. Khaṭhulo yo do tea u da nge vha tamba Ngalo. Yesu o vha vhudza, musi vho Mu vhidza Belesebulu, zwauri O ri, “Ndi do ni hangwela,” tshipfumelo tsho vha tshi sa athu itwa, “fhedzi,” ha pfi, “musi Muya Mukhethwa wo da u ita zwenezwo zwithihi, u amba ni tshi lwa Nawo zwi nga si hangwelwe na kathihi.” Huno uyo murafho a wo ngo hangwelwa zwone na kathihi. Izwo ndi zwone.

⁷⁶ Khaṭhulo kha mudzia-u-sa-tenda! Yo vhewa heneffo nn̄da hu na ndivho, u ḥea tshedza mutendi, huno swiswi la newa mudzia-u-sa-tenda. U tou fana na zwe Khavhu ya Mulilo ya vha i zwone; Yo ita tshedza, u pfuka shango lo fulufhedziswaho, na swiswi kha avho vhe vha sa tende. Zwigwa zwa Mudzimu zwi ita zwenezwo tshifhinga tshoṭhe, zwi vala maṭo a mudzia-u-sa-tenda, huno zwi nea mbono na tshedza tsha u tshimbila kha mutendi. Izwo ndi zwe Ła rumelwa zwone.

⁷⁷ Arali vhuporofita hawe vhu ha ngoho, arali vhuporofita ha muporofita vhu ha ngoho huno ha khunyelela, zwenezwo ndi tsivhudzo ya Mudzimu. Zwino kha Numeri 12:6, ri wana zwenezwo zwithihi, Luñwalo.

⁷⁸ Bivhili yo ḥwalwa nga havha vhanna. Zwino arali ri tshi vhala kha Petro Ya Vhuvhili 1:21, Yo ri, “Vhanna vha kale, vho hwaliwa nga Muya Mukhethwa, vho ḥwala Bivhili.”

⁷⁹ Na kha Vhaheberu 1:1, he ra amba vhuñwe vhusiku, “Mudzimu, zwifhingani zwa kale na nga mikhwa yo fhambanaho o amba na vhokhotsi nga kha vhaporofita, mađuvhani aya a u fhedzisela nga kha Yesu Kristo, Murwa Wawe.”

⁸⁰ Khavhu ya Mulilo, tshiga; ipfi . . . kana i—ipfi lo vha li tshi khou yo amba. Khavhu ya Mulilo tshiṭakani, yo vha i ipfi lo dzhielwaho nzhele la uri Mudzimu o vha e tsini na u amba.

⁸¹ Dzhielani nzhele zwavhuđi zwino, zwi songo ni pfuka izwi. Musi Miriamu o sea khaladzi awe, Mushe, nahone e muporofita musi a tshi mu sea, huno Mudzimu a tsa nga iyo Khavhu ya Mulilo, Mushe o ḋivha zwauri Mudzimu o lugela u amba. Tsho vha tshi tshiga. Huno ipfi le la tshi tevhela, lo ri, “Naa a ni ofhi Mudzimu?” La ri, “A hu na kha shango a no nga mulanda Wanga, Mushe.”

⁸² Vho ita zwi fanaho musi vha tshi vuwa huno vha ri hu na . . . Musi Dathani a tshi vuwa, na musi Kora, u hanedza hawe, “Hu na vhathu vhakhethwa vho engedzeaho u fhira iwe. U vhona u nga u wothe kha tshigwada.” Mudzimu o tela Mushe kha uyo mushumo!

⁸³ Huno musi vha tshi toda u wana tshińwe tshigwada uri tshi tshimbile navho, vha ḋiite dzangano, O ri, “Dikhaukanyeni navho. Ndi do tou vha laṭekanya. Ndi ḥo tou vha lozwā,” huno A ita. Shango la vha wana.

⁸⁴ Zwino ri wana uri iyo yo vha ndila ya Mudzimu tshifhinga tshothe. Khavhu ya Mulilo i sumba uri Ipfi li khou ḥodou amba. Oo, Texas, wo pofula hani? Ni kha di elelwa Houston. Zwino hu na Ipfi li no tevhela tshiga.

⁸⁵ Mushe, tshiga tsha muporofita kha Israele, o fulufhedzisa uri Ipfi lo lugela u khwaṭhisēdzwa.

⁸⁶ Ipfi la Mudzimu lo fhelela hani, li ngonani, tshifhinga tshothe! Nahone Li tou nga Urim Thummim, sa zwe nda amba nga hayo, vhuńwe vhusiku. Urim Thummim yo vha i hone, huno nndani ha musi itsho tshiga tshi tshi da kha iyo Urim Thummim, ipfi a lo ngo limuiwa. Hu tea u vha na tshiga. Tshiga tshi khwaṭhisa ipfi. Huno ipfi li khwaṭhisa tshiga, uri tshi bva ha Mudzimu. Ipfi la tshiga ndi line la amba “ee” kana “hai.” Arali Mudzimu o tshi landula, zwenezwo Ipfi li amba “hai.” Arali tshiga tsho vha tshi hone, Mudzimu o amba “ee.” Nzudzanyo ya Mudzimu a yo ngo shanduka na kathihi. Ro vha ri tshi nga ṭwa dziawara kha helo, fhedzi a yo ngo shanduka na kathihi.

⁸⁷ Vhonani, Yona muporofita, sedzani itsho tshiga. O vha e ndilani yawe ya u ya Tharasisi. A thoma u ya Ninive, huno a dzhia ndi—ndila ya u ya Tharasisi. Vhanzhi vho sathula Yona. Yona ha tei u sathulwa. O vha e muporofita. “Nayo dza o lugaho dzi endedzwa nga Murena,” huno a thoma ndila yawe ya u ya Tharasisi. Huno ri lingedza u sathula muthu, fhedzi Yesu ho ngo zwi ita.

⁸⁸ Dzhielani nzhele, O ri, “Vhunga Yona o vha e thumbuni ya khovhe ya vhimbi, maduvha mararu na vhusiku hao,” zwo vha zwi tshi khou yo vha tshiga, “ngauralo Murwa-muthu u fanela u vha mbiluni ya ḋifhasi, mađuvha mararu na vhusiku hao. Huno

murafho muvhi nahone wa vhupombwe u ḥoda tshiga, huno a hu nga vhi na tshiga tshire ha ḥewa tshi bvaho ha Mudzimu, ni elelwe, nga nn̄da ha tshiga tsha Yona.” Naa tshiga tsha Yona ndi mini? Mvuwo. Huno uyu ndi uyo murafho wa Sodoma, wa vhupombwe, vhupombwe ha maya, u tshi khou i . . . u tshi khou ita vhudavhu ha maya vhu lwaho na Ngoho ya Mudzimu, u tshi khou tamba Ngayo. “Murafho muvhi nahone wa vhupombwe u do ḥoda tshiga, huno vha do tshi wana, tshi do vha tshiga tsha muvho.” Vhonani, Yona . . .

⁸⁹ Avho vhathu vho vha vhe vhahedeni, huno yo vha i khulwane . . . Yo vha i dorobo ya mbambadzo. Industiri khulwane yo vha i khovhe. Vho rumela khovhe shangoni lothe. Vhathu avho vho vha vhe vharei vha khovhe. Uyo wo vha u mushumo. Huno vho vha vhe vhahedeni, vho luvha dziphukha na zwifanyisamudzimu, nahone vha vha vhavhi nga maanda.

⁹⁰ Vhunga ulu lushaka zwino, lwo ḥalaho vhudzekani na Hollywood, na tshakha dzothe, na ngomu zwivhidzoni. Huno dzhielani nzhele zwi no itea. Mulandu, zwinwe zwifhinga na u kungwa nga vhudzekani tshivhidzoni hu vhidzwa ha musalauno. Naa ulu lushaka lu nga ima hani fhasi ha tshithu tshi no nga itsho? Ni divhidza Vhakriste, huno na ita zwithu zwi no nga zwenezwo, lu nga ima hani?

⁹¹ Vhunga khonani yanga yavhuđi, Jack Moore, yo amba, miñwaha yo fhiraho, “Arali Mudzimu a litsha ulu lushaka lu tshi bvela phanda na izwi, U do tea, sa Mudzimu o lugaho, u vusa Sodoma na Gomora, huno a vha humbela pfarelo nge a vha fhisa.”

⁹² No livha khatuloni. A hu na iñwe ndila ya u zwi ṭanganedza. Zwi ñwaleni Bivhilini dzanu. Ndi khou vha mukalaha. Ni do vhona arali lu sa yi khatuloni. Arali nda tshila vhutshilo ha nomala, ndi do zwi vhona, tshifhinga tsha nomala. Miñwe miñwaha i si gathi i do zwi vuledza.

⁹³ Yona. Vhothe vho vha vho bva vha tshi khou fasha khovhe, hu tshi ḥodou vha masiari tshivhangalala, huno hafha hu da mudzimu wa lwanzhe, n̄tha, khovhe ya vhimbi, ya gidimela kha philiphili huno ya pfela muporofita nn̄da kha philiphili. Ndi tshiga-de!

⁹⁴ Mudzimu o phulusa muporofita Wawe, nga mulaedza. Zwino vho no vhona tshiga, vha tenda tshiga, zwino mulaedza ndi mini? “Shandukani!” Ilo ndi ipfi la tshiga. Ipfi la tshiga ndi, “Shandukani, kana hu sa athu fhela mađuvha a mahumi maña ni do lozwiwa.” Vho divha lwo edanaho u nga shanduka.

⁹⁵ Yesu o ri, “Vha do sat̄hula uyu murafho, ngauri vho rembuluwa nga u rera ha Yona; muhulwane a fhiraho Yona u fhano.”

⁹⁶ Ipfi lo vha li, “Shandukani, kana hu sa athu fhela mađuvha a mahumi maña ni do lozwiwa.”

⁹⁷ Yohane muporofita, a tshi bvelela, tshiga tsha muporofita a no khou bvelela, nga murahu ha miñwaha ya mađana maña hu si na muporofita. Vho vha vhe na vhadjia-vhuṭali. Ndi khou tou humbulela uri vho vha na nzulele mmbi hani! Miñwaha ya mađana maña, hu si na muporofita, fhedzi tshifhinga tsho do sendela tsha uri Mesia a de. Zwino, Yohane o vha e tshiga, e muporofita, uri Mesia o vha o lugela u amba, ipfi la tshiga; ngauri, kha Maleaxi ya 3, ri wanulula, “Ndi do ruma muđinda Wanga phanda ha tshifhajuwo Tshanga.” Elia o vha e wa u da phanda ha tshifhajuwo Tshawe, huno Elia a da. Yohane, nga muya na maanda a Elia, o da huno a ita kokotoło zwe Mañwalo a ita, huno a vho ngo zwi pfesesa. Luñwalo lwo ralo. O vha e tshiga, tshiga tsha muporofita, tsha uri Mesia o vha a tshi khou yo amba.

⁹⁸ Uyo muporofita, a tshi khou zwi ñivha zwavhudivhudí, u swikela a tshi ri, “Mulandu, hu na Muñwe o imaho vhukati hañu, zwa zwino. Uyo Mesia ane nda khou amba nga hae, u vhukati hañu. A tho ngo fanela u vhofholola zwienda Zwawe. Ndi Ene a no do ni lovchedza nga Muya Mukhethwa na Mulilo. Nne ndi khou lovchedza nga madi, u itela tshanduko, fhedzi U do vha hone nga murahu hanga. Ú vhukati hañu zwino.”

⁹⁹ Liñwe ñuvha o vhona Munna muswa a tshi khou da, a tshi khou tsela fhasi. A vhona iyo Khavhu ya Mulilo, nga tshivhumbeo tsha Liivha, i tshi tsa i tshi bva Tađulu; Ipfi, li tshi ri, “Uyu ndi Murwa Wanga a funwaho, Ane Nda takalela u dzula khae.” Ha pfi, “Ane Nda takalela u dzula,” hu tou vha liiti phanda ha liđadzisi, ngauralo zwi tou fana. “Kha Uyo Ane Nda takalela u dzula,” kana, “kha Ane Nda takalela u dzula,” a zwi iti phambano. Dzhielani nzhele, “Ndi takalela u dzula Khae.”

¹⁰⁰ Yohane o ri, “Ndi a ḥanziela uri Uyo we a mmbudza phangani,” hu si kha seminari, “phangani, o ri, ‘Kha Ane wa do vhona Muya u tshi tsa, nahone wa kavha khae,’ amene, ‘Ndi Ene a no do lovchedza nga Muya Mukhethwa na Mulilo.’ Huno ndi a ḥanziela uri ndi Ngoho.”

¹⁰¹ Ho vha hu mini? Uyo muporofita o vha e tshiga tsha uri Mesia o lugela u amba.

¹⁰² Mesia o vha e mini? Mesia o vha e Ipfi, nga vhudalo. O vha e u khunyelela ha Mudzimu. Vhaporofita vho vha vhe Tshedza tshiṭuku tshi taidzaho. Fhedzi Khae ho vha hu itsho Tshedza tshothe, tshe tsha vha tshi kha uyu Mesia, ngauri O vha e Mudzimu o vhonadzwaho, o itwaho Imanuele, Mudzimu vhukati hashu e ñamani ya muthu.

¹⁰³ Mesia o vha o lugela u amba. Huno dzhielani nzhele, Bivhili i amba, zwauri, “Ipfi la Murena li ñela muporofita.”

¹⁰⁴ Zwino hafha ho ima Yona, we Yesu a ri o vha e “muporofita muhulwane we a vhuya a tshila.” Yesu o ralo, Mateo ndima ya 11, “No bva na yo vhona mini, munna a dzinginyiswaho

nga maya muñwe na muñwe, *iyi* dinomineisheni i ri, ‘Ndi do ni nea zwo engedzeaho; inwi ni ita *izwi’?* Hu si Yohane! Hai, hai. Munna ane a nga khurumedziwa, a fhuriwa? Hai, o vha e muporofita a songo vibvaho, a re na vhuhali. Naa no vha no ya u vhona munna we a vha o ambara tshothe tshiambaro tsha vhutshifhe?’’ Huno A ri, ‘‘Hai, vha dzula pfamoni dza mahosi. Vha malisa vhaswa, vha khisa vhuskie, nahone vha swiña vhaaluwa. Ulwo ndi lwone lushaka. A vha divhi tshithu nga ha Banga lo nekedzwaho nga zwanda zwivhili. Ngauralo no bva na yo vhona mini, muporofita?’’ A ri, ‘‘A no fhira muporofita!’’ A hu na zwiñwe, o vha e mudinda wa Mulanga, o fulufhedziswaho uri Mudzimu u do mu rumela.

¹⁰⁵ Huno dzhielani nzhele hafha, Yohane o ima mađini, a tshi khou lovhedza, a tshi ri, ‘‘U khou da.’’

¹⁰⁶ Huno Ipfi ngeli, line la si tsha vha Tadulu, fhedzi lo itwaho nama. Ipfi ndi nama, hu bvelelani-ha? Naa nzudzanyo ya Luñwalo lwa Mudzimu ndi ifhio? Ipfi lo da kha muporofita, heneffho phangani, heneffho kha kutivha. Ipfi lo da kha muporofita.

¹⁰⁷ Yohane a sedza n̄tha, huno a ri, ‘‘Ndi na thodea ya u lovhedzwa nga Inwi.’’

¹⁰⁸ Huno mukomana wanga a funwaho, o aluwaho, Dokotela Davis, tshivhidzo tsha Baphuthisi tsha Vhurumiwa, tshe tsha nndovhedza nga lutendo lwa Tshikriste, arali a hone hafha madekwana a namusi, a thi khou tama u vhaisa vhudipfi hawe. Ngauri, u dzula hafha Texas, hu re hafha nn̄da u bva Davis Mountains. Fhedzi ndi a eelwa riñe ro dzhia khani nga ilo linwe duvha e, huno n̄ne ndi tshi kha q̄i tou vha mutukana. Huno nda ri, ‘‘A zwi pfali zwi zwone, Dokotela Davis.’’

¹⁰⁹ A ri, ‘‘Zwe zwa bvelela, ndi uri Yesu o mbo lovhedza Yohane, huno Yohane a mbo lovhedza Yesu, ngauri Yohane o vha a songo lovhedzwa.’’ Zwo vhonala zwi si zwone kha n̄ne.

¹¹⁰ Nda dzulela u lindela, ndi tshi khou sedzes, ndi tshi khou mangala. A tho ngo amba tshithu nga hazwo, nga nn̄da ha linwe duvha musi Murena o zwi dzumbulula.

¹¹¹ Zwino sedzesani zwe Yesu a amba. Yohane o ri, ‘‘Ndi na thodea ya u lovhedzwa nga Iwe, huno ndi ngani U tshi da kha n̄ne?’’

¹¹² Yesu a ri, ‘‘I ri zwi vhe nga u ralo, ngauri zwo ri fanela u khunyeledza u luga hothe.’’

¹¹³ Yohane o divha Uyo We a vha e ene. Asivho vharangaphanda vhavhili vha shango, vharangaphanda vhavhili vha tshivhidzo, Mudzimu na muporofita Wawe, vho ima vhothe. Zwino, sedzesani, vha fanela u divha.

¹¹⁴ Yesu o ri, “I ri izwo zwi vhe nga u ralo, izwo ndi zwone, fhedzi two ri fanela uri ri khunyeledze u luga hothe, Ipfi lo fulufhedziswaho.”

¹¹⁵ Tshithavhelo tsho do tea u tanzwiwa tshi sa athu nekedzwa. Yohane o lovhedza Yesu nge A vha e Tshithavhelo. Ni a vhona? Tshithavhelo tsho do tea u tanzwiwa tshi sa athu nekedzwa. O bvela heneffo nn̄da, huno Tshithavhelo tsha tanzwiwa, huno zwenezwo U nekedzwa o kuna. A ri, “Iyo ndi Ngwana ya Mudzimu.”

¹¹⁶ A ya henengei nt̄ha ha philiphili, huno hafha hu da Muya wa Mudzimu u tshi tsela Khae, ha pfi, “Uyu ndi Murwa a funwaho Wanga.” Ni a vhona, A nekedzelwa-ha kha vhathu. Fhedzi Tshithavhelo tshi sa athu nekedzwa, tsho do tea u thoma tsha tanzwiwa; uyo ndi mulayo wa Testamente Ndala. Zwo luga.

¹¹⁷ Mesia o vha a tshi khou yo amba, ngauri hafha ho vha hu na tshiga tsha muporofita. Huno musi vho no vhona uyo muporofita a tshi da vhuponi, nga murahu ha iyo miñwaha ya mađana mana yothe hu si na na muthihi, vho divha uri, ipfi li tevhelaho lo vha li la Mesia.

¹¹⁸ Zwino vhoinwi vhavhali vha Bivhili elekanyani nga maanda lwa miniti i si gathi. Vha tshi khou sedzesza nzulele yawe, vho kundwa hani u mu vhona? Naa vho kundwa hani u vhona vha tshi khou zwi divha zwauri ndi ene, Yohane? Nzulele yawe yo divhadzwa, mya wawe na nzulele zwo divhadzwa uri ndi Eliya. Zwino dzhielani nzhele uri mya-de. Zwino, o vha e Yohane Mulovhedzi, fhedzi myua wa Eliya we wa vha u khae.

¹¹⁹ Dzhielani nzhele, tsha u thoma, Eliya o vha e munna a funaho phangani. Ni a vhona? Huno Yohane o vha e munna phangani.

¹²⁰ Huno Eliya o vha e munna we a sañhula iyo sisteme ya dzangano, nga ilo ñuvha, nga zwe a vha e nazwo. Na Yohane o ita nga u ralo, “Inwi murafho wa dziñowa. Naa ndi nnyi o ni tsivhudzaho u shavha vhuhalo? Ni songo thoma u amba, ‘Ndi na itshi, itsho, kana tshinwe.’ Mudzimu u a kona u vusela Abrahamu vhana nga haya matombo.” Ni a vhona idzi nzulele mbili?

¹²¹ Huno vhonani Eliya, o sañhula avho Vhojesebele vhothe vho pendaho zwifhañuwo vha ñuvha lawe, avho vhasadzi vha vhuada. Naa Yohane o itani? Zwenezwo zwithihi, kha Herodiasi. Vhuvhili havho, vho vhe tshivhangi tsha lufu lwavho.

¹²² Vhonani Eliya, nga murahu ha musi o no ita uyo mushumo muhulwane, o vha a tshi tsikeledzea, a lala heneffo nn̄da huno a rabela Mudzimu uri a mu dzhie. Yohane o ita zwenezwo zwithihi, a vhuya a lala heneffo nahone a ruma vhaftiwa vhawé nga hangei, ha pfi, “Iyani u Mu humbelo. Naa Uyo ndi Ene kana ri lindela muñwe?” Yesu o zwi divha izwo.

¹²³ O vha e Eliya. Iyo yo do tea u vha nzulele yawe. O qivhadzwa kokotolo sa zwe Eliya a vha e zwone. O vha e kha maya wa Eliya.

¹²⁴ U khou do da kaṭanu, uyo maya u, khou do shumiswa: Eliya, Elisha, Yohane, Maleaxi 4, huno zwenezwo wa ḥela Vhayuda. Mađuvha a u fhedzisela, ane ra vha khao madekwana a ḥamusi, maya wa Eliya. Dzhielani nzhele zwino.

¹²⁵ Namusi, ndi ṭoda ni tshi sedza vhaporofita vhashu vha musalauno vha Ahaba ḥamusi, vha no khou tendela Vhojezebele vhavho u fhungudzela mavhudzi avho, vha pennda zwifhaṭuwo zwavho, vha ambara dzishothi, vha dahan dzisigareṭe, tshiñwe na tshiñwe, "Zwo luga." Vhaporofita vhashu—vhashu vha Ahaba ḥamusi, vha tshi khou tshimbila na zwikolo zwavho, ngoho, vho vha ranga phanda nga ndaela dla vhathe na dzidinomineisheni. Naa ho vha hu mini? Vhaporofita vha Ahaba.

¹²⁶ Ri ṭoda muñwe Mikaya uri a vuwe vhuponi. Kana nga tshifhingga tsha Ahaba, Eliya a ḫe vhuponi. Uyo ndi we, a fulufhedziswa.

¹²⁷ Vho vha ranga phanda, thungo iñwe na iñwe ine vha ṭodou ya. Arali vha sa khou rali, vha sa vha fari zwavhuđi hafha huñwe fhethu, vha do ya nga hangei huno vha dzhoina *itshi* nahone vha di omelela kha lutendo lwavho—lwavho—lwavho lwa Tshikriste lwe vha bula.

¹²⁸ Ndi zwone, na kathihi vho vha vha songo tshidzwa, u rangani. Nzulele yavho yeneyo i a zwi sumbedza. Naa ni nga fula dzindirivhe kha muri wa mipfa? Naa ni nga wana mabvani kha tsinde la fhuri? Nzulele yeneyo i sumbedza uri a vha na mushumo na Ipfi. Vha tamba Ngalo, nahone vha a Li nyefula. Musi zwo ḥwaliwa, "MURENA U RALO, izwi zwithu zwi khou yo bvelela," huno vha a Li sea, vha tamba Ngalo.

¹²⁹ A zwi mangadzi Yesu o ri, "Khosikadzi ya Tshipembe i do vuwa na uyu murafho, mađuvhani a u fhedzisela, huno ya u saṭhula; ngauri yo bva migumoni ya lifhasi, u vhona munna a re na tshifhiwa tsha vhuṭali." A ri, "Muhulwane kha Salomo u hafha." Ngoho. La Salomo lo vha lo ralo, duvha lawe, lo vha li liñwe la mađuvha mahulwane. Vhathe vho the vho tenda itshi tshifhiwa tshe Mudzimu a vha ḥea tshone, uyu Salomo, huno bvumo lawe—lawe lo ṭaha nn̄da huñwe na huñwe. Mini-ha arali vhathe vha liño duvha...

¹³⁰ Huno riñe Vhaamerika, tshifhingga tshoṭhe ri lingeda u wana iñwe mbekanyamushumo ya u lwa na vhukomunisi. Mbekanyamushumo ya Mudzimu i hafha, "Shandukani! Iyani ha Mudzimu!" Iñwe mbekanyamushumo? Arali vho vha vha tshi nga ita kha Iyo, ro vha ri tshi do hangwa vhukomunisi.

¹³¹ Musi Vhaisraele vho the vho tenda itsho tshifhiwa tshe Mudzimu a vha nea tshone. Arali Amerika lo vha li tshi nga ḥea... tenda tshifhiwa tshe Mudzimu a ri nea tshone, mađuvhani haya a u fhedzisela, Murwa Wawe, nga tshivhumbeo tsha Muya

Mukhethwa, o vuswaho vhafuni, a tshilaho vhukati hashu u ya nga pfulufhedziso Yawe. Arali Itsho ro vha ri tshi nga tshi ḥogomela fhedzi!

¹³² Tshi ḥo ya kha Vhanangiwa fhedzi. “Ngauri a hu na muthu ane a nga ḥa kha Nne nn̄dani ha musi Khotsi Anga a tshi mu kokodza. Huno vhothe vhe Khotsi a Nnea, vha ḥo ḥa.” I tou vha u zwala mbeu; i a wa, inwe nga *iyi* ndila na *iyo* ndila, fhedzi hu na u zwalwa ha mbeu, naho zwo ralo. Tshi ḥo fasha midzi yayo huňwe na huňwe hune ya vha hone. Vha ḥo tshi pfesesa.

¹³³ Dzhielani nzhele, vho vha vhe hafha, huno ri wanulula uri nga ilo ḫuvha, Ahaba, lushaka lwo wana avho Vhaisraele vha tshi khou ita lushaka luňwe na luňwe lwa zwithu zwine vha ḥodou ita, nahone vha tshi kha di bula lutendo lwa uri vha Vhaisraele.

¹³⁴ Nga ndila ye Eliya a saňhula uyo murafho, nga zwe the zwa vha zwi khae, nahone Mudzimu a tshi khou mu khwařhisedza. Huno o vha e muporofita.

¹³⁵ Hu sa athu swika u ḥa, Yohane o ita nga u ralo! O ya a dzhena henehfo Israele... Ho maliswa uyu musadzi kha—kha Hero-... kha Herode, mufumakadzi wa Filipo murathu wawe. A ya o mu livha; ho ngo vhuya a tungedza. O vha a sa ofhi uri muňwe muhulwane o vha a tshi khou yo mu khaula. O vha a songo fara garača ya vhučama; e na Mudzimu fhedzi. O vha e muporofita Wawe. Ipfi o vha e nae. Ho ngo tea u yo vhudzisa muňwe mubishopo kana madikoni. O vha o doliswa. O vha e na Ipfi. A ya o mu livha, huno a ri, “A zwo ngo tendelwa nga mulayo uri u mu dzhie!” Ndi zwone. Ho ngo ḥungedza, muňwe muthu.

Ayho vhasadzi vhavhi vha tshi khou ita vhupombwe, vha tshi khou bvela phanđa!

¹³⁶ Vhunga Amosi, musi a tshi da vhuponi, o sedza henengei. A ri dihvi na hune a bva hone. Nñe, nga ndila ye a sedza iyo dorobo ya Samaria ngayo! Vhunga zwe vhaendelamashango vha ita, vhothe vho naka, na vhareri vhothe vhe na pfano na tsha—tshakha, na mulangano na tshakha na muriwe na muriwe, huno vha tshi kha di tshila tshivhini! Maṭo awe a valeanyana, phanđa yawe ya penya, huno ngauralo a tsela fhasi. Ho ngo... o vha a sa tou lavhelesea zwavhuđi, fhedzi o vha e na MURENA U RALO.

¹³⁷ Ri ḥoda ene Amosi vhuponi ḥamusi. Naa ro vha ri tshi ḥo mu ḥanganedza? Zwa vhukuma hai, u fhira zwe a ita. O vha a tshi ḥo da vhuponi, o vha a tshi ḥo kherukanya dzangano liňwe na liňwe, dinomineisheni inwe na inwe, musadzi muňwe na muňwe a no ambara shothi, Jezebele muňwe na muňwe o fhungudzelwaho mavhudzi. O vha a tshi ḥo vha ḥukhukanya vha bva zwipida. Vho vha vha tshi ḥo mu rahekanya tshiřaračani, huno vha ri, “Uyo mpengo wa kale!” Fhedzi o vha a tshi ḥo vha na MURENA U RALO, ngauri zwo tou ḥwalwa nga iyo ndila. Dinomineisheni i a mu ḥanganedza? Hai.

¹³⁸ Ho ngo vha na we a vha a tshi nga tikedza mbekanyamushumo yawe. Naa iyi dorobo khulwane, yavhudziya—ya nyemulo, vhunga zwe Samaria ya vha i zwone, naa vho vha vha tshi do ḥanganedza uyu muthu muṭuku a sa divhedi a si na garaṭa ya vhuṭama, hu si na a no do mu tikedza, kana tshiñwe tshithu? Ho ngo vha na thikhedzo iñwe-vho. Ho ngo vha na garaṭa ya vhuṭama iñwe-vho, hu si na tshikolo tshire a bva khatsho. Fhedzi o vha e na MURENA U RALO. Huno u da hawe, sa muporofita, ho vha hu tshiga. Ipfi lawe lo vha li tshi bva ha Mudzimu, huno lo divhadzwa maduvhani a Yerobeamu wa Vhuvhili. Tshiñwe na tshiñwe tshe a amba tshi a khunyelela.

¹³⁹ Zwino ri wana, ili ḫuvha line ra khou tshila khalo, li tou vha ndovhololo ya ilo hafhu. Vhashumeli na vhathe, vha shona u ima kha phuluphithi, huno ma—Mafhungo-madifha a vha thikhithi ya muļo khavho. Vha a ofha u amba tshiñwe tshithu, muñwe munna u khou do vha bvisa kha *itshi*, *itsho*, kana *tshinwe*.

¹⁴⁰ Hu na Muthu muthihi a ne a nga ni bvisela nnda ha Tađulu, uyo ndi Mudzimu. Huno ni khou yo bviswa hani Tađulu, nga u kwambatela Ipfi Lawe? Izwo ndi zwe A ni rumela zwone.

¹⁴¹ Elelwani, Bivhili yo ri, nga tshifhinga tshi no nga tshe tsha vha tshi hone maduvhani a Eliya, nga ḫuvha li no nga le la vha li hone maduvhani a Yohane, la uri Maleaxi ya 4 i khou yo vhuya hafhu kha liphasi. “Ndi do ruma Eliya.”

¹⁴² Zwino ni songo ḥanganyisa izwo na Maleaxi ya 3, “Ndi ruma muđinda Wanga phanda Hanga.” Uyo o vha e Eliya, na ene-vho.

¹⁴³ Fhedzi kha Maleaxi 4, O ri, “Hu sa athu da Duvha lihulwane nahone li ofhisaho la Murena, musi liphasi lothe li tshi do swa vhunga nando, huno vho lugaho vha tshimbila ntha ha milora ya vhavhi,” uyo ndi Nwahagidi, “Ndi do ruma muporofita Eliya.” Huno u do itani? “U do vhuyedzedza lutendo lwa vhana murahu kha vhokhotsi vha vhuapostola,” murahu kha Ipfi. U do tea u vha muporofita. “Ndi do mu ruma.” U do divhadzwa lwo vuledzeaho. Nzulele yawe i do vha i fanaho na zwe ya Eliya ya vha i zwone, kokotolo. Mulaedza wawe u do tou vha henefho ntha ha uyo mutaladzi. U do saṭhula, a kherukanya. A hu na vhuṭama, a hu na tshumisano, a hu na tshithu, fhedzi u do vha na MURENA U RALO.

¹⁴⁴ Zwino, elelwani, ho vha na tshakha dzothe dza zwigwada zwe zwa takuwa huno zwa ri, “*Iyi* ndi nguvho ya Eliya, huno *iyi* ndi pfunzo ya Eliya.” Tshigwada tshothe, dzangano, la mbo di vha tshigwada tsha Eliya, kana nguvho ya Eliya. Izwo a si Luñwalo. Mudzimu ha shumi na tshigwada tsho raloho na kathihi.

¹⁴⁵ Musi Eliya a tshi da vhuponi, na Yohane Mulovhedzi, vhothe vhuvhili havho vho saṭhula izwo zwigwada na dzangano. Na kathihi a vho ngo ita. O vha saṭhula, nqila ye vha ita; Eliya na Yohane, vhothe vhuvhili havho. Hu si tshigwada kana

dinomineisheni. Fhedzi vhothe vhuvhili havho, nga zwifhinga zwavho zwothe, vho sat̄hula zwigwada na madzangano.

¹⁴⁶ Mini-ha zwenezwo? Tshiga tsha tshifhinga tsha vhufhelo vhukuma tshi do fhelekedza Ipfi la tshifhinga tsha vhufhelo. Eliya u khou tea u da vhuponi, munna o doliswaho uyo muya; munna wa mat̄akan, na zwiñwe-vho, na mufunwa wa zwenezwo, huno u da vhuponi u khwañhiseda. Zwino sedzesani zwine Luñwalo lwa amba zwino, huno zwenezwo a ni nga fhurwi, ni a vhona, tshiga tsha tshifhinga tsha vhufhelo na Ipfi la tshifhinga tsha vhufhelo.

¹⁴⁷ Mudzimu ho ngo shuma na tshigwada na kathihi, a hu na fhethu Luñwaloni. U shuma na muthu muthihi, ngauri muthu muñwe na muñwe ha fani na muñwe. Muthu muñwe na muñwe, magunwe ashu ha fani, ningo dzashu a dzi fani, miito yashu a i fani. U wana muthu muthihi, A nga ita uri a dzudzanyee lwo fhelelaho u swikela a tshi vha ilo Ipfi.

¹⁴⁸ Ndi ngazwo Paulo, o ri, “Uri ndi sa dihudze u fhira mudalo wa Nzumbululo, ndo newa muqinda wa Sathan.” Ni a vhona? Mateo o ñwala, Luka o ñwala, Marko o ñwala, avho vhothe, fhedzi, vho tou tevhela Yesu huno vha ñwala zwe A amba. Fhedzi Paulo o vha e na nzumbululo ya uri O vha e Nnyi, ni a vhona, itsho ndi tshithu tshe a—a tshi vhona. Nzumbululo yawe yo vha i khulwane nga maanda, A mu tendela u ñwala Bivhili, vhunga Mushe wa Testamente Ndala. Uyo munna muhulwane, Paulo, iyo nzumbululo ye a vha e nayo, o zwi divha uri Yesu wa Testamente Ntswa o vha e Yehova wa Ndala. O vha e na nzumbululo Yawe, huno a kona u zwi vheha kha Vhaheberu, kha . . . nahone na kha—kha Vharoma, na kha Vhaefesa, na—na vhothe. O—o ñwala ayo mañwalo. Dzhielani nzhele, nga murahu ha musi tshiga Tshawe tsho no bvelela, a mbo ñwala ayo mañwalo.

¹⁴⁹ Iyi nzulele ya u da i do vha i fanaho. A i nga vhi tshigwada. I do vha munna muthihi. Mudzimu na kathihi ho ngo shuma nga inwe ndila nga nn̄da ha munna muthihi. Zwino, Eliya o vha a si tshigwada, Yohane Mulovhedzi o vha a si tshigwada, vho vha vhe muthu muthihi. Mudzimu, Maleaxi ya 4, a i ri, “Ndi do rumu tshigwada.” Ho pfi, “Ndi do rumu Eliya!” Ipfi li nga si shandukiswe.

¹⁵⁰ Zwino, sedzani, tshiga tsha tshifhinga tsha vhufhelo na Ipfi zwi do da zwi kha thevhekano ya Luñwalo sa zwe zwa fulufhedziswa.

¹⁵¹ Ri todou divha tshine tsha do vha tshiga tsha vhufhelo? Yesu o ri vhudza, kha Mateo 24 na 25. O ri vhudza, na, kha Dzinzungululo, ndilani yothe u bva kha ya 6 . . . kana ya 1, thwii nga hangei kha, ndi zwone, ndima ya 10. Zwenezwo U da kha ndima ya 19, Nwahagidi u a thoma musi A tshi da, o namela bere tshena.

¹⁵² Tshi ḍo ḍa, tshiga tsha tshifhinga tsha vhufhelo. Zwino thetshelesani, u valani. Tshi ḍo ḍa kokotolo nga ndila ine Luñwalo lwa amba. Zwino dzhielani nzhele Ipfi la tshiga.

¹⁵³ Zwino, Yesu, kha Luka 17:30, o fulufhedzisa tshiga tsha tshifhinga tsha vhufhelo. Tshiga tsha u fhedzisela, ho vha hu Mudzimu o vhonadzwaho muvhilini wa muthu we a kona u dzumbulula mihumbulu ye ya vha i kha ṭhalukanyo ya Sarah, denndeni murahu hawe. Izwo ndi zwe A amba. Itsho ndi tshiga tshe A fulufhedzisa vhufheloni. Ito... Naa O ri tshi ḍo itani? “Tshi ḍo dihwa maduvhani, maduvha a u fhedzisela, musi Murwa-muthu a tshi ḍo dzumbululuwa.” A tshi ḍo dzumbululwa! Musi Murwa-muthu a tshi dzumbululwa, itsho tshi ḍo vha tshiga tshire A ḍo dzumbululwa ngatsho. Zwino vhonani arali Ilo li sa zwi ambi izwo. Vhukuma li a zwi ita.

¹⁵⁴ Zwino inwi no vha ni tshi nga amba, zwauri, “Hai, tshi ḍo vha tshiñwe tshithu-vho. Hai, tshi ḍo fhaṭa tshifhaṭo tshihulwane, *itshi* tshihulwane, kana *itshi*, kana inwe khoro ya tshikriste ya u vhuedzanya khulwane, kana tshiñwe”? Oo, hai. Hai, idzo ndi ndila ndapfu. Izwo zwi kha linwe sia. Zwi lwa na zwe Mudzimu a ri u khou ita, U ḍo ita.

¹⁵⁵ Dzhielani nzhele zwe ra amba zwino. Mañwalo a ḍo tou vha kokotolo, ngauri ri na tshiga tsha Sodoma, kha mupo. Ndi lini he ha vha hu tshi kha ḫi vha na vhadzia-u-dzekana-nga-mbeunthihi, zwo shandeaho na zwithu, sa zwine zwa vha hone zwino, “murafho muvhi nahone wa vhupombwe,” ngeno ni sa vhuyi na funga thelevishini yañu nn̄dani ha musi hu na luñwe lushaka lwa zwithu zwa tshika, zwo tshikafhalaho zwa Hollywood? Huno vhathu, vha ḫivhidzaho Vhakriste, vha ḍo dzula hayani vha si ye muñganomni wa thabelo uri vha vhone zwo raloho. Zwi sumbedza myua une wa vha ngomu hañu. Ndi zwone. Huno vhasadzi vha ḍo ambara vhunga vhañla, huno vhanna vha ḍo vha tendela u vha ranga phanda vhunga zwine vha ita hangei. Naa ri khou yo ita Hollywood tsumbo yashu, kana ri khou yo tenda Ipfi la Mudzimu malugana nayo?

¹⁵⁶ Huno tshenetsho tshigwada tshithihi tshi kona u vhona Ipfi la Mudzimu li tshi khwañhisedzwa, na zwine vha ita? Vha a li sea. Ngauri, vho fa, vho fa U Ya Nga Hu Sa Fheli. A vho ngo tshila na kathihi. Arali vho vhuya vha tshila, vho vha vha tshi ḍo tshila tshifhinga tshothe, vha U Ya Nga Hu Sa Fheli. Fhedzi a vho ngo tshila na kathihi. Vho vha vho fa tshifhinga tshothe. Oo, vha nga ḫi vha vho pholishwaho, huno vha tenda *itshi*, *itsho*, kana tshiñwe.

¹⁵⁷ Yesu o ri, “Vhoinwi vhahoi,” khavho, khavho vhotshifhe nga ilo duvha. “Naa ni nga amba hani zwithu zwavhuđi, ngeno mulomo u tshi amba zwi bvaho kha vhudalo ha mbilu? Ni tshi Mmbidza wavhuđi, ‘Rabi wavhuđi, Muñe wavhuđi?’” O ḫivha

zwe zwa vha zwi mbiluni dzavho. O kona u vhona zwe zwa vha zwi mbiluni dzavho. O vha e Ipfi.

¹⁵⁸ Bivhili yo ri, “Ipfi la Mudzimu li na vhuhali u fhira banga la mutsheahohthe, huno li ḥalukanya mihumbulo i re mbiluni.”

¹⁵⁹ Zwino, itsho tshiga tsha Sodoma tsho vhuya, kha nzulele. Huno arali tshinwe na tshiñwe tsho dzula vhudzuloni tsho tou kokotolo nga ndila ine tsha tea u vha ngayo kha nzulele, zwenezwo ni nga kona hani u zwi ṭuwisa, kha ḥhalukanyo yanu, uri tsha mya a tshiho hafha nga tshenetshi tshifhinga tshithihi? Vhuvhili ha idzi n̄tha vhu vhuponi. Iina, muñwe na muñwe u tendelana nazwo, zwauri tsha nzulele ndi tshone; fhedzi, oo, kha lwa mya, a vha tshi tendi, ngauri Tshi thithisa pfunzo yavho.

¹⁶⁰ Luka 17 ndi tshiga. Luka 17 ndi tshiga tshe Yesu a amba, zwauri, mađuvhani a u fhedzisela, tshakha na zwivhidzo na vhathu zwi do tou fana na zwe zwa vha zwi zwone Sodoma, shango la Vhannda, hu sa athu fhiswa Sodoma. Huno hu do vha na tshigwada, tsho lindelaho, vhunga Abrahamu. Humelani murahu, musi Yesu o ri, “sa zwe zwa vha zwi zwone mađuvhani a Sodoma,” humelani murahu huno ni vhone zwe zwa vha zwi zwone Sodoma. O vhala yeneyi Bivhili nthihi ine ra i vhala, yeneyi Bivhili nthihi, zwino humelani murahu huno ni vhone zwe zwa vha zwi zwone.

¹⁶¹ Hafha ho vha hu na tshigwada tsho nangiwaho, tsho vhidzelwaho nn̄da, tshigwada tsha Abrahamu, vho vha vho lindela murwa o fulufhedziswaho. Vhasodomi a vho ngo zwi tenda. Huno ho vha hu na murado u dudelaho, wa tshividzo henengei Sodoma. Vhonani avho Vharuñwa vhararu vha tshi da kha muñwe na muñwe wavho, sedzesani zwiga zwe vha ḥana, zwenezwo ni do vhona uri ri khou tshila kha zwiga-de.

¹⁶² Zwino, itsho tshi do vha tshiga. Huno ipfi la tshiga li do vha Maleaxi ya 4, “u vhuyedzedza vhathu murahu kha Lutendo lwa vhuapostola lwa vhokhotsi.” Ngetsho tshiga, ngelo Ipfi, kokotolo u ya nga Luñwalo. Ni a vhona? Tshiga ndi tshiga tshe tsha vha tshi Sodoma, Mudzimu o vhonadzwaho kha vhathu.

Huno O ri, “Mufumakadzi wau u ngafhi, Sarah?”

Ha pfi, “U denndeni, murahu Hau.”

¹⁶³ Ha pfi, “Ndi khou yo u dalela u ya nga tshifhinga tshe nda u fulufhedzisa.” Huno A ri . . .

¹⁶⁴ Huno Sarah, murahu, e murahu Hawe, a ri, “Izwo zwi nga vha hani, n̄ne ndi mukegulu, ene e mukalahi? Huno vhunga munna wanga ngei nn̄da, mukalahi,” ha pfi, “a hu na tshithu tsho raloho kha riñe.” Ha pfi, “Zwi nga si tou ralo.”

¹⁶⁵ A ri, “Ndi ngani Sarah o timatima izwo, mbiluni yawe a tshi ri, ‘Naa izwi zwithu zwi nga vha hani?’”

¹⁶⁶ Huno Yesu o ri izwo zwi do vhuya hafhu. Zwino, elelwani, Abrahamu o vhidza uyo Munna, “Elohim,” Mudzimu. Mudzimu

O do tea u ralo. Mulandu? O vha a tshi kona u talukanya mihibulo, nahone O vha e kha tshifhinga kokotolo. Huno Elohim, Muya Mukhethwa, (hu si muñwe muthu) onoyo Muthu muthihi a tshi vhuyelela tshivhidzoni nahone a da a ita tshenetsho tshithu tshithihi, itsho tshi do vha tshiga. Huno Ipfi li do vha, “Vha humisele kha Ipfi, vhuyedzedza Lutendo lwa vhana kha vhokhotsi.” Ngetsho tshiga na Ipfi.

¹⁶⁷ Zwigia kanzhi zwi a tanganedzwa, fhedzi Ipfi a li ralo. A vha takaleli Ipfi, fhedzi vha do dzhia tshiga. Kanzhi, vha do tshi dzhia. Vha takalela tshiga, ngauri vha takalela u tshi vhona, tshi a vha mvumvusa. Fhedzi, Ipfi, a vha tqodi u—u zwi ita. Elelwani zwino Ipfi.

¹⁶⁸ Humelani kha Ipfi hafhu. Tshiga tsha Mesia tsha Yesu, u ya nga Yesaya 35, “Muholefhalu u do fhufha vhunga phala,” na izwi zwothe.

¹⁶⁹ “Izwo zwe vha zwi tshi mangadza!” Oo, izwo vho zwi tanganedza. Izwo zwe vha zwi zwavhudi. Izwo vho zwi tenda. Vho tenda tshiga. “Ida-ha, Rabi, kha tshivhidzo tshanga, ri do u nea tshumisano i si na tshiṭahe. Ngoho, ri a U tenda. U a a mangadzaho. U Rabi. U Muporofita muswa. Dzhena! Tshakha dzothe dza tshumisano! Tshiga tshi a mangadza.”

¹⁷⁰ Fhedzi musi Ipfi lo amba, huno la ri, “Nne na Khotsi Anga ri Muthihi.”

¹⁷¹ Yawee, nnenne, Ilo a vho ngo kona u li tenda. “U Diita Mudzimu.” A vho ngo ḥoda Ipfi. Vho takalela tshiga. Itsho vho tshi divha, vho zwi tanganedza uri tsho vha tshi tshiga tsha Mesia, fhedzi, Ipfi, Ilo a vho ngo li takalela.

“Mishumo ine Nda ita na inwi ni do ita-vho.”

Huno vha ri, “Ndi ene Belesebulu.”

A ri, “Inwi murafho wa dzinowa.”

¹⁷² Oo, vho vhenga ilo Ipfi. Naa vho itani? Vho bvisa Ipfi ilo vhukati havho. Vho Mu bvisela nnda.

¹⁷³ Yesu o ri, “Arali vha tshi vhidza Muñe wa nn̄u, ‘Belesebulu,’ vhafunziwa Vhawe vha do vha vhidza zwe engedzeaho hani?”

¹⁷⁴ Elelwani, kha Nzumbululo 3, kha Tshikhathi tsha Laodikea. Itshi ndi Laodikea; tshiga tsha Sodoma tshi tea u da. Ipfi, “Vhuyelelani kha Ipfi, kule ha idzi ndaela na dzidinomineisheni, huno ni humele kha Ipfi,” musi Li tshi da, u ya nga Nzumbululo 3, A bviselwa nnda ha tshivhidzo, u tou fana na zwe zwa vha zwi zwone tshifhingani itsho.

¹⁷⁵ “Tshiga tsho luga, fhedzi hu si Ipfi.” A vha na mushumo na Ipfi. Hai, hai; Ipfi. Fhedzi Mushe o ri, arali vha si nga ralo, kana . . .

¹⁷⁶ Mudzimu o ri kha Mushe, “Vha sa tendi ilo ipfi la u thoma la tshiga tsha u thoma, vha lingé nga ipfi la vhuvhili. Huno arali

izwo vha si nga zwi iti, zwenezwo iya u wane madi huno u a shululele nt̄ha ha mavu.” Izwo zwi a li ladza. Ndi zwenezwo fhedzi. “Tambani, buse—buse li bvaho milenzheni yanu,” nga manwe maipfi, sa zwe Yesu a amba. Ho pfi, “Iya u wane madi mulamboni, a shululele mavuni, a vhe malofha, huno u sumbedze uri ayo ndi one ane a do golovhedziwa khao, malofha.” Ngauralo izwo zwi tou vha kokotolo zwe zwa vha zwi zwone.

¹⁷⁷ Arali vha songo tenda tshiga, zwenezwo tshiga tsha vhuraru vhukuma tsho zwi wana. Mishumo yothe i na zwiga zwiraru, arali i tshi bva ha Mudzimu. Yesu o vha e na zwiga zwiraru. Mushe o vha e na zwiga zwiraru. Noaxe o vha e na zwiga zwiraru. Eliya o vha e na zwiga zwiraru. Tshiñwe na tshiñwe tshi da nga zwiga zwiraru. Dzhielani nzhele. Thetshelesani, dzikhonani.

¹⁷⁸ Tshifhinga tshi khou tuwa. Ndo no . . . Yawee, nnenñe, a tho ngo zwi divha uri ho no lengeswa nga u ralo, nga murahu ha kotara.

¹⁷⁹ Arali ni tshi nga tenda tshiga tsha Sodoma, tsha Luka, ni a vhona, sa izwo O tshi fulufhedzisa; inwi ni tenda tshiga tsha Sodoma, zwenezwo ndi ngani ni sa koni u tanganedza Ipfi la Maleaxi li no tevhela tshiga, u “vhuyeleta kha Ipfi”? [Tshikhala kha theiphi—Mudz.] Bivhili yo ralo, nahone ni a i vhona, zwenezwo na thetshelesa Ipfi la tshiga.

¹⁸⁰ Shavhani vhuhali vhu no khou da! Ni songo elekanya, “Ngauri ndi wa UPC, Khuvhangano dza Mudzimu, Methodisi, Baphuthisi, Puresbiterieni, ndi na pfanelo ya u dzhena.” Mudzimu u a kona u vusela Abrahamu vhana kha haya matombo. Humelani kha Ipfi! Murahu kule ha lufuno lwanu lwa shango na sisteme dzanu dza dzangano, na zwithu. Mudzimu u do zwi tshinyadza kha lifhasi. U do zwi swatimedza vhudzivhani ha lwanzhe lwa khangwa, u tou fana na zwe A ita Egipita musi O vhidza Israele, lushaka lwo bvaho kha lushaka. Musi A tshi vhidzela Muselwa nn̄da ha tshivhidzo, u do fhira kha mathupho manzhi, a shulula malofha awe kha lifhasi. Shavhani vhuhali vhu no khou da, ngauri ho sendela!

¹⁸¹ Inwi ni nga si vhone izwi zwithu ni si na . . . a thi divhi uri ni elekanyani nga hazwo. Ndi na vhudifhinduleli fhedzi ha u zwi vhala na u amba nga hazwo. Zwi kha inwi! Ni nga tenda tshiga, zwenezwo tendani Ipfi li no tevhela tshiga. Yawee, nnenñe!

¹⁸² Vhonani, Mushe, tshifanyiso tsha u bva zwino. O vha a tshi khou yo vhudza avho vhathu nga ha pfulufhedziso ye ya newa vhokhotsi. “Ndi elelwa pfulufhedziso Yanga kha vhokhotsi avho.” Huno zwino Mushe u khou yo ita mini—mini? U rembulusela mbilu dza vhathu kha zwe vhokhotsi vha amba. Huno sa zwe Mushe a vha e zwone nga itsho tshifhinga, na Maleaxi 4 o ralo, “u rembulusela vhathu kha Lutendo lwa vhokhotsi.”

¹⁸³ Hedzi thimothimo dzothe dza dzidinomineisheni, na zwiñwe-vho, humelani kha Ipfi! Ndi a ñivha uri vhoinwi, vhathe vhanzhi vha takalela u ita hezwo; a thi khou tou ni sema hafha lini. Hedzi theiphi dzi ya shangoni ñothe, ni a vhona, hothe-hothe. A thi khou ni sema, fhedzi ndi khou sema onoyo ane a vha ene, hune ha tea. Ndi muzwali wa Mbeu. Izwo ndi zwone fhedzi zwine nda ñivha u zwi ita. Zwi kha inwi u dzhia tsheo. Shavhami vhuhali vhu no khou ña, vhathe!

¹⁸⁴ Ni songo elekanya uri nga ñwambo wa uri ni Pentekoste. Ni songo elekanya uri nga ñwambo wa uri mme anu vho vha vhe Mumethodisi wayhud, o itwaho mukhethwa, kana khotsi anu Mubaphuthisi o lugaho, a ñavhaho mukosi. Ni songo elekanya zwauri izwo zwi khou ño vha na mushumo na inwi. Ni songo elekanya uri nga ñwambo wa uri ni wa kereke ye vha fhaña, kana kereke ine na khou i fhaña zwino. Ni songo elekanya uri nga ñwambo wa uri vhoinwi Vhapentekostaña no amba nga dzindimi nahone na tshina Muyani, na gidima ntha na fhasi kha dzifuloro, miñwaha ya mahumi maña yo fhiraho. Ni songo elekanya uri nga ñwambo wa uri no vha na miñtangano ya phodzo, na zwiñwe-vho.

¹⁸⁵ Ni songo kundelwa u vhona itsho tshiga, tsha Khavhu ya Mulilo, tshe Mudzimu a tshi khwañhisedza; na Ipfi murahu Hatsho, u rembulutshela, murahu kha Mudzimu. Ni songo tenda Tshi tshi ni fhira. Hu na tshiga na Ipfi.

¹⁸⁶ Musi munna a tshi takuwa e na tshiga, kuhumbulele konokuña kuthihi kwa kale, hu na tshiñwe tsho khakheaho, a tshi khou bva ha Mudzimu. Yawee, nnenne! “Lugisan ndila Dzawe zwino!” Zwino, ni a zwi tenda? “Zwenezwo vhuyani, Oo no pofulaho nahone no balanganaho, kha wañu.” Bivhili... Muñwali wa luimbo o ri:

Tshakha dzi khou kwashékana, Israele i khou
karuwa,
Zwiga zwe Bivhili ya bula;
Maduvha a Vhannda o vhalwa, o hwala zwi
ofhisaho;
“Vhuyani, Oo no balanganaho, kha wañu.”

¹⁸⁷ Vhuyani! Vhuyani murahu! Muporofita o ri, “Hu ño vha Tshedza nga tshifhinga tsha madekwana.” Musi ñuvha li sa athu swifhala tshothe, hu ño vha Tshedza. Tshimbilani Tshedzani hu tshi kha ñi vha na Tshedza. Nga murahu ha tshifhinganyana Khoro ya Tshikriste ya u Vhuedzanya i ño ni dzhia, huno a hu tshe na ndila ya Tshedza.

Kha ri kotamise zwifhañuwo zwashu.

¹⁸⁸ Khotsi wa Tađulu, zwi zwandani Zwau zwino. Ndo—ndo zwala Mbeu. A thi ñivhi he Dza wela hone. Ndi rabela uri U Dzi fhañtushedze huñwe na huñwe hune Dza vha hone. Huno ngavhe Dzi tshi wana fhethu Hadzo fhasi-fhasi, huno dza dzikula fhethu hothe ha matombo, na midzi midala yothe ya tshitondovhe, huno

sa zwe zwa vha zwi zwone, nahone dza bvisa u sa tenda hothe ndilani. Zwi tendele, Khotsi. Ri kumedza izwi zwino kha Iwe, nga Dzina la Yesu Kristo. Amene.

¹⁸⁹ Zwifhaṭuwo zwaṇu two kotama, maṭo anu o valiwa. Vhusiku ha matshelo ndi tshimima. Vhaitazwivhi vha ḫorobo, ndi do... Murena a tshi funa, ndi do tea u amba navho. Ndi khou amba na tshivhidzo tsho vanganāho zwino. Ndo vha ndi si nga lingedzi u rera hezwi; two vha zwi tshi do vha swingisa u fhirisa, kha muṭangano wo raloho.

¹⁹⁰ Fhedzi, inwi, madekwana a ḫamusi, ni a tenda uri no vhona tshiga, huno ni a pfa Ipfi, arali no pfa nahone ni a tenda? Huno inwi—inwi a ni athu, ni a tenda fhedzi a ni athu Li ṭanganedza, Kristo nga u khunyelela Hawe, ni nga imisa tshanda tshaṇu? Huno tshifhaṭuwo tshiṇwe na tshiṇwe kha tshi kotamiswe zwino, na ito liṇwe na liṇwe lo valiwa. Imisani tshanda tshaṇu, ni ri, “Nnyelelwe, Mukomana Branham, ni tshi rabela.” Ndi do takalela u zwi ita. Mudzimu a ni fhaṭutshedze.

¹⁹¹ Khotsi ashu wa Taḍulu, Bivhili yo ri, “Vhanzhi vhe vha tenda vho lovhedzwa.” Ndi a rabela, Murena, uri havha vhatu vho imisaho zwanda zwavho, ndi zwauri vha a zwi tenda. A vho ngo lovhedzwa nga ndovhedzo ya Tshikriste, ngavhe vha tshi wana tshivhidzo tshire tsha zwi ita, huno vha lovhedzwa. Zwi tendele, Murena.

¹⁹² Ngavhe vha sa lovhedzwi nga mađi fhedzi, zwine zwa vha fhedzi tshi—tshiga tsha nga nn̄da tsha uri tshiṇwe nga ngomu tsho bvelela. Bivhili yo ri, “Hu na Lutendo luthihi, Murena muthihi, ndovhedzo nthihi,” huno iyo ndovhedzo ndi ndovhedzo ya muya. Muvhili u no khou ṭanzwiwa, u tou vha fhedzi tshifanyiso, kana u ḫea tshiga tsha uri tshiṇwe tshithu nga ngomu tsho bvelela. Fhedzi ndi uyo muya une wa tea u lovhedzwa nga Muya Mukhethwa, uyo ndi U Sa Fheli u no khou dzhena kha iyo nzulele ya muthu nahone wa i shandukisa, u i ita mutendi. Ndi rabela uri vha do ṭanganedza Muya Mukhethwa. Ndi vha kumedza kha Iwe zwino, sa dzikhaphu dza Mulaedza, na dza tshilidzi tsha Kristo. Nga Dzina Lawe, ndi a rabela. Amene.

Zwino zwifhaṭuwo zwaṇu two kotama, nga khuliso.

¹⁹³ Ndi tou vha na miniti ya sumbe, a—a tho ngo kona u bva nga tshifhinga. A—a—a tho ngo kona u vha na muduba wa thabelo nga itsho tshifhinga tshingafho. Ndi khou yo ni humbela u dzula henehfo hune na vha hone. Mpfareleni nge nda ni fareledza. Ri do rabelela muṇwe na muṇwe. Vhoiṇwi vhatu, vhaṇwe vha vhoiṇwi hafha nn̄da vhanne na vha na garaṭa dza thabelo, ni songo whilaela, ri do ni wana.

¹⁹⁴ Fhedzi ri khou ya u tou vhona arali Muya Mukhethwa u tshi do ri dzumbululela zwino, arali ni tshi tenda Khae nahone ni tshi tenda zwauri itshi ndi tshiga. Elelwani, Muruṇwa, O vha e muthu; O ḫa, O nwa phanda ha Abrahamu, huno naho two ralo O

kona, nahone Sarah e denndeni, O kona u ṭalukanya mihumbulo ye ya vha i mbiluni yawe. Itsho tsho vha tshi tshiga. O vha e Ipfi. Zwino arali Ipfi li tshi nga tou da fhedzi kha riñe, zwenezwo, nahone, O fulufhedzisa u ita zwenezwo zwithihi.

¹⁹⁵ Zwino vhoinwi afho nnđa kha vhathetshelesi, vhane na sa vhe na garaña dza thabelo, huno ni a divha uri a ni khou yo vha mudubani, a thi koni u ṭalukanya uri tshifhio ndi tshifhio nnđani ha musi Murena a tshi do ntsumbedza. Ndi do... Huno ni a tenda uri vhukuma Mudzimu u a fhodza vhalwadze. Ndi—ndi ḥoda uri ni—ni tende zwa zwino, lwa miniti i si gathi. Huno itonu rabela, nahone ni ri, “Murena Yesu, ndi a divha munna, a no khou amba, ndi—ndi muthu, fhedzi o mmbudza uri, o ri vhudza madekwana a ḥamusi, nahone a ri sumbedza; uyo, Muya Mukhethwa, une shango li nga si kone u u vhulaha.”

¹⁹⁶ Vho kona u vhulaha Yesu musi E ḥamani; vho Mu vhulaha. Fhedzi zwino O vuswa, e kha nyimele ya vhugala, A nga si tsha vhulawa na kathihi. Huno O ri, “Hu tshee ho sala tshifhinganyana huno shango a li tsha do Mmbona. Naho zwo ralo, vhoinwi,” vho tiwaho, avho vho odeinelwaho kha Vhutshilo Vhu Sa Pheli, Tshivhidzo, Muselwa, “ni do Mmbona, ngauri Ndi do vha na vhoinwi, na ngomu hanu, u swika vhufheloni. Zwithu zwine Nda ita ni a ita-vho.” Pfulufhedziso idzi dzothe dze A ita.

¹⁹⁷ Zwino, ndi a divha musi O vha e hafha lifhasini, Ene, Mudzimu o vha e Khae. O vha e Mudzimu. O vha e u khunyelela ha Mudzimu. O vha e Ipfi la Mudzimu loṭhe lo vhonadzwaho.

¹⁹⁸ Huno Bivhili i kha di vha Mudzimu, Ipfi, huno hu na inwe nzumbululo ine ya kha di do dzumbululwa. Huno O ri, “Mađuvhani a u fhedzisela, musi shango li tshi vha vhunga Sodoma hafhu, Murwa-muthu u do dzumbululwa.” Huno tshiga tsha Sodoma tshi do vhuya, zwenezwo Ipfi li do vhidza vhathu uri vha vhuye, avho vho odeinelwaho kha Vhutshilo.

¹⁹⁹ Ri a divha, musi O vha e hafha, ho vha hu na milioni dza vhathu lifhasini, dze na kathihi dza sa divhe uri O vha e hafha; hu si na mbuno ya u divha. Ni a vhona? U ḥa kha avho vhe vha telwa u zwi vhona.

²⁰⁰ Zwino ni a rabela. Zwino fhumulani tshothe-tshothe. Ni songo sudzuluwa. Huñwe na huñwe hune na vha hone, madzuloni a nga n̄ha, fuloroni dza fhasi, huñwe na huñwe hune na vha hone, ni songo—ni songo sudzuluwa, itonu dzula ni dzike vhukuma, huno ni rabele.

²⁰¹ I ri ni, “Murena Yesu, Bivhili yo amba, kha Vhaheberu 4, uri zwa zwino U ‘Tshifhe Muhulu ane a kona u ri pfela vhuñgu nga u shaya nungo hashu.’ Huno ri a U vhona kha lifhasi, musi Wo vha u hafha kha lifhasi, tshiñwe tshifhinga musadzi muñuku o kwama tshiambaro Tshau, huno Wa rembuluwa, nahone wa ri, ‘Ndi nnyi o Nkwamaho?’” A qidzumba, fhedzi naho zwo ralo lutendo lwawe lwa divhadzwa. Yesu o mu vhudza nga ha ḥombe

yawe, huno a ri “lutendo lwau lwo u tshidza.” Zwino ndi Ene onoula Tshifhe Muhulu muthihi. Arali E a sa shanduki mulovha, ńamusi, na lini na lini, U ḋo tea u ita nga ndila i fanaho, arali ni—arali ni tshi Mu kwama.

²⁰² Huno izwo zwi itani-ha? Hu tea u vha na nama ya muthu, kha lifhasi, u amba Ipfi Ławé. “Ndi nñe Muṭokola, inwi ni matavhi.” A hu na ndila ya u zwi kanganyedza, dzikhonani. Zwi tou vha Luñwalo. Ndi Ngoho. Vhoinwi vhashumeli ni a zwi tenda, afho murahu? [Vhashumeli vha ri, “Amene.”—Mudz.]

²⁰³ Zwino afho nn̄da, itonu vha na khuliso vhukuma nahone ni rabele, ni ri, “Murena Yesu, kha ndi kwame tshiambaro Tshau.”

²⁰⁴ Huno ni vhona a re tsinisa na nñe, u ńayo dza mahumi mavhili kana dzo engedzeaho. A thi ńivhi muthu afho nn̄da. A thi vhuiy nda kona u vhona muthu ane nda mu ńivha zwavhuđi, madekwana a ńamusi, o dzulaho heneffo; nga nn̄da ha Pat Tyler o dzulaho hafha phanda, khonani yanga. Hu na vhathu kha dzikhotho, zwițiretsha.

²⁰⁵ Ro vhona tsumbo ya tshitiretsha i tshi bvelela vhusiku ho fhiraho, huno munna a vuwa nahone a tshimbila. Ndi ngani vhoinwi nothe ni sa koni, madekwana a ńamusi? Ni a vhona, itonu tenda, izwo ndi zwone fhedzi zwine na tea u ita. Vhuhone Hawe vhu do zwi ita. Ngoyu, ni khou yo tea u ima Nae u itela uri a ni vuse mađuvhani a u fhedzisela.

²⁰⁶ Zwino, inwi a no tenda, huno na elekanya uri ni khou rabela lwa u bvelela, itonu sedza hangeno zwino.

²⁰⁷ Vhunga Petro na Yohane vho ri, “Sedza rine.” Huno vho sedza vho diimisela, munna o ita, a tshi khou lavhelela u vhona tshińwe. A ri, “Maseňha na musuku a thi na, fhedzi tshire nda vha natsho . . .”

²⁰⁸ Zwino, phodzo a thi na, fhedzi tshire nda vha natsho, tshifhiwa tshi bvaho ha Mudzimu, ndi a ni nea. Arali ni tshi nga tou zwi tenda, Mudzimu u ḋo zwi shuma. Nñe ndi khou tou ni humbela fhedzi u zwi tenda. Tshire nda vha natsho, ndi do ni nea. Arali ni tshi ḋo zwi tenda, Mudzimu u ḋo zwi shuma. Itonu zwi lingedza.

²⁰⁹ Hafha, Ngetshi zwa zwino. Amene. Izwo ndi a zwi funa. Hu na mufumakadzi o dzulaho heneffha. U na muvhili, o dzulaho heneffha magumoni. Naa ni na garaća ya thabelo, mufumakadzi? U tou vha na muvhili . . . A ni na . . . Heneffha, a ni na garaća ya thabelo? Ee. A ni na garaća ya thabelo? Ni a tenda, naho zwo ralo? A ni ɻodi garaća ya thabelo, arali ni tshi tenda.

²¹⁰ Hu na muungo kha ipfi, ndi ngazwo zwi tshi kondà u vhidza vhathu ngaurali, fhedzi lingedzani u nthetshelesa zwavhuđi u ya nga hune na kona zwino.

²¹¹ Inwi a thi ni ńivhi. A ni na garaća ya thabelo, ngauralo-ha a ni nga vhi kha pulatifomo. Arali Mudzimu a tshi ḋo ndzumbululela

thaidzo yanu, ni do tenda zwauri (mini?) zwi do vha zwenezwo zwithihi u tou fana na zwe A dzumbululela musadzi thaidzo yawe? Musadzi tshisimani? Sarah, zwe a amba, na zwiñwe-vho? Naa izwo ni a zwi tenda? Ni a tenda zwauri zwi do luga?

²¹² Ni khou dinwa nga vhulwadze ha malofha, hu na tsho khakheaho kha malofha anu. Arali izwo zwi zwone, imisani tshanda tshañu. Zwo luga. A ni nayo zwino. U ita Tshedza nga nthia hanu. Yesu Kristo o ni tonda.

²¹³ Zwino, a thi athu mu vhona musadzi na kathihi, vhutshiloni hanga. Zwino itsho ndi mini? Tshi tea u vha Muya. Zwino ni nga di amba vhunga Vhafarisei, “Uyo ndi diabolo,” zwo luga, ni wana malamba avho. Inwi ni ri, “Ndi Kristo,” ni wana malamba a Kristo. Ndi tenda uri ndi Ipfi li no khou divhadzwa aya mađuvhani a u fhedzisela; hu si nne.

²¹⁴ Hafha, hafha hu na muñwe mufumakadzi o dzulaho hafha phasi. U dinwa nga tsinga dza milenzheni yawe. U na zwikondisi. U na vhulwadze ha mbilu. U khou rabelela mufunwa, a re khaladzi. U khou tswimila zwino. U na vhudavhidzano. Uyo mukomana u khou vhaisala nga maanda. Ndi tsumbo ya vhulwadze ha swigiri. Huno, nahone, u na muñwe murunzi, ndi muitazwivhi. Huno ni khou mu rabelela. Izwo ndi zwone. Mufumakadzana Welton, arali ni tshi do tenda nga mbilu yanu yothe, Mudzimu u do mu itela zwone. Ni a zwi tenda? Ayo ndi madzina anu.

²¹⁵ Zwino izwo zwi fhira zwe Yesu a ri kha Simoni, “Dzina lau ndi Simoni, ni murwa wa Yona”? Itonu vha na lutendo. Ni songo zwi timatima. Zwi tendeni nga mbilu yanu yothe. Arali ni tshi zwi tenda, Mudzimu u do zwi khunyeledza. Arali ni tshi nga tou...

²¹⁶ Hafha, hafha hu na mufumakadzi muñuku o dzulaho nga hangeno, o sedzaho hafha kha nne. U na mavhudzi a no tou nga matswuku. Mavhudzi awe o kokodzelwa murahu.

²¹⁷ A ni vholi itsho Tshedza, tshi no tou nga muvhala wa mutoli, tshi tshi khou mona nga nthia ha musadzi? U a zwi divha uri zwi khou bvelela zwino, ngauri u a Tshi pfa. Tshi tsini nga maanda nae, a nga si kone u sa Tshi pfa. Arali izwo zwi zwone, mufumakadzi, imisani tshanda tshañu. Ngoyo.

²¹⁸ Zwino ndi mutsinda o fhelelaho kha inwi. A thi divhi tshithu nga ha inwi. Fhedzi no vha no dzula hangei ni tshi khou rabela. Izwo ndi zwone. Arali izwo zwi zwone, imisani tshanda tshañu nga ndila iyi. Zwino, arali Yesu Kristo e Murwa wa Mudzimu, ane A vha ene, Tshifhe Muhulu o dzulaho kha tsha u la tsha Mudzimu... Huno nne ndo tou ima hafha nga nthani ha tshifhiwa, na nne ndi so... zwi tshi bva kha, zwi tshi bva fhedzi kha kuelekanye kwa muthu, ndi sa khou elekanya nga lwanga; ndila ya u awedza thalukanyo yanga na kuelekanye, huno nda tou tendela Mudzimu u dzhena. Naa ni a tenda uri

U...Nne, Mudzimu u a ḋivha uri a thi ni ḋivhi; huno ni a ḋivha zwenezwo zwithihi. Ngauralo arali Mudzimu a tshi ḋo ndzumbululela thaidzo yaṇu, kana tshiñwe tshe na tshi lindela, ni tshi khou ṭoda, kana tshiñwe hafhu, ni a tenda uri Mudzimu u ḋo, a nga ita izwo?

²¹⁹ Ni na thaidzo kha muṭana waṇu. Itsho ndi tshiñwe tsha zwithu zwine na khou zwi rabelela. Nahone ni na thaidzo kha maṭo. Naa ni a tenda uri Mudzimu u ḋo a fhodza huno a a ḅea mutakalo? Ni a ita? Ni a ita? Naa ni a tenda uri Mudzimu a nga mmbudza uri ni nnyi? Vho-Mme Hallman, ni a tenda nga mbilu yaṇu yoṭe zwino, ni nga vha na tshe na tshi humbelia. Naa ni a tenda?

²²⁰ Hafha ho dzula musadzi wa mualuwa zwiṭukunyana murahu haweheneffo. U khou rabela, na ene-vho. U na vhulwadze ha swigiri. Ndi fulufhela uri izwi a zwi mu pfuki. Tshi heneffha nga nthā haweh. O no tou vha mualuwa. Lwa tshifhinganyana, ngavhe Murena a tshi mpfarisa zwino. Yawe... Heneffo o tshi pfeſesa. Zwo luga. Ndi a vhona musi o vha e na vhudavhidzani. Ha bvi fhano. U bva Louisiana. Dorobo yawe—yawe ndi fhethe hu no vhidzwa Singer, Louisiana. Hunu u dinwa nga vhulwadze ha swigiri. Dzina ḥawē ndi Vho-Mme Doyle. Arali izwo zwi zwone, imisani tshanda tshaṇu. Zwo luga. Ndi mutsinda o fhelelaho khae, na kathihi a thi athu mu vhona vhutshiloni hanga. Fhedzi Yesu Kristo, Murwa wa Mudzimu, u ḋivha zweṭhe nga ha inwi.

²²¹ Hu na mufumakadzi o dzulaho afho murahu, a bvaho kha dorobo yeneyo nthihi, fhethe hu no vhidzwa Singer. U dinwa nga vhulwadze ha mutsiko wa malofha. Hunu dzina ḥawē ndi Clark. Vha a tenda, Vho-Mme Clark? Zwo luga, nga vha vhe na tshe vha tshi humbelia.

Ni a tenda? [Tshividzo tshi ri, “Amene.”—Mudz.]

²²² Ngetsho tshiga! Thetshelesani Ipfi! Shandukani, humelani kha Mudzimu nga u ṭavhanya u ya nga hune na kona! Yesu Kristo u fhano nga Maanda a muwo Yawe; murafho muvhī nahone wa vhupombwe u ṭanganedza tshiga tsha Yesu Kristo a no khou tshila vhukati ha vhathu. Ho ngo kona u zwi ita nga nne fhedzi, hu tea u vha inwi, na inwi-vho. Ni a vhona, musadzi o ḋo tea u kwama tshiambaro Tshawe. No ḋo tea u kwama tshiambaro Tshawe. Ri tou vha zwishumiswa.

²²³ Naa ni a tenda nga mbilu yaṇu yoṭe? Zwino arali ni tshi tenda zwauri... Ndi vhanganava vha no zwi tenda, imisani zwanda zwaṇu, nga ndila iyi, ni ri, “Ndi a zwi tenda ngangoho.”

²²⁴ Zwino arali ni tshi zwi tenda, Yesu o amba hezwi, “Izwi zwiga zwi ḋo tevhela avho vhane vha tenda; arali vha tshi vhea zwanda kha vhalwadze, vha ḋo fhola.” Naa izwo ni a zwi tenda?

²²⁵ Zwino tshifhinga tsho no ṭuwa. A ri na tshifhinga. Ri kha miniti ya mahumi mavhili na miṭanu zwino u ya kha fumi. Naa ni ḋo tou vhea zwanda zwaṇu muṇwe kha muṇwe, zwenezwo?

Huno itonu ita zwine nda ni vhudza zwino, itonu vhea zwanda zwañu muñwe kha muñwe.

²²⁶ Zwino ni a divha, apositizi, huñwe na huñwe hune na vha hone. Zwino ni a divha, na tshiñwe na tshiñwe zwino, nga murahu ha musi Luñwalo lwo rerwa nahone lwo divhadzwa nga ndila i pfalaho tshifhinga tshoþhe kha tshifhaþo.

²²⁷ Ndi vhona muñwe, zwa zwino. Ni a vhona? Nahone muñwe u heneffa, thaidzo ya thanga ya tshinnani. Mufumakadzi a re na TB. Uh-huh. Kha ndi ri, I tou vha huñwe na huñwe zwino, fhedzi I ni kula nungo.

²²⁸ Zwo fhambana, ndi zwifhio zwo engedzeaho? Ni vhona mahumi mañanu, nga tshinwe tshifhinga hu na zwenezwo, huno ni þodou vhona mahumi mañanu na mavhili tshifhinga tshi tevhelaho. Yesu o zwi ita nga tshinwe tshifhinga e Sikara, huno dorobo yoþhe ya Mu tenda. Vho vha vho lindela Mesia.

²²⁹ Mesia u fhano, Muya Mukhethwa, Mesia wa duvha lino; Mesia a no khou ita uri Ipfi li khwaþisedzwe, la pfulufhedziso Yawe.

²³⁰ Zwino ndi þoda muñwe na muñwe wa vho inwi, ni tshi khou vhea zwanda muñwe kha muñwe, arali ni vhatendi. Zwino ni songo dirabelela. Inwi rabelelani uyo muthu, huno vha khou yo ni rabelela. Zwino, Ipfi leneli lîthihi le la fulufhedzisa izwi maðuvhani a u fhedzisela, o fulufhedzisa na . . .

²³¹ Huno elelwani, Yesu o ri, “Izwi zwiga zwi do tevhela avho vha tendaho.” Phodzo, i tshi khou vhuya, ndi ipfi la uri tshiga tsho no limuiwa. Vha vhea zwanda kha vhalwadze, sa tshiga; ipfi ndi “haþuya, Murena o mphodza!” Zwino arali izwi zwiga zwi tshi fhelekedza ipfi, itsho tshiga, arali ni mutendi, tshi do fhelekedza. Ipfi li do fhelekedza tshiga.

²³² Arali ndi tshi ni nea itshi tshiga, tshe nda ni vhudza uri tshi bva ha Mudzimu, huno Mudzimu o tshi fulufhedzisa nga lino duvha; tsho vhewa zwavhudi, a hu na tshithu nga nnnda ha mudzia-u-sa-tenda ane a nga dzivhisa u tshi tenda. Ni a vhona? Zwenezwo Mudzimu o ða nahone a tshi khwaþisedza, u tshi ita nga u ralo. Zwino U fhano.

²³³ Zwino muñwe na muñwe, nga ndila ine na rabela tshivhidzoni tshanu, arali zwi kha inwi, nga u ambela ntsha, zwiñwe na zwiñwe zwine zwi nga vha zwone, inwi ni rabelele muthu we na mu vhea zwanda zwañu, ngauri vha khou ni rabelela.

²³⁴ Huno zwino sedzani ntsha. Huno Vhuhoneni ha Mesia, Kristo, Uyo o Vuwaho, a kha di tshilaho nga murahu ha miñwaha ya zwigidi zwivhili, ri nga vha hani vho farwaho nga tshivhevhe Muyani? Izwo zwi tea u ita uri ulu lushaka lu duge Mulilo. Izwo zwi fanela u ita uri Beaumont hu shanduke, nga madzanganda na milora. Fhedzi hu do zwi ita? Hai.

²³⁵ Fhedzi no Mu lindela, huno ni a tenda uri U ḋo zwi ita huno a vhulunga Ipfi Lawe, pfulufhedziso yo ḥewa inwi zwino. Vheani zwanda zwaṇu kha muṇwe huno ni rabele, musi ndi tshi ni rabelela ndi hafha.

²³⁶ Murena Yesu, ho no ambiwa zwe edanaho, ho no itwa zwe edanaho. Ipfi lo fulufhedziswaho lo no vhonadzwa. Mesia, Kristo wa Mudzimu, u Vhuhoneni Vhukhethwa. Ri a Mu pfa. Ri a Mu vhona. Ri a zwi ḫivha uri O fulufhedzisa izwi mađuvhani a u fhedzisela. “Sa zwe zwa vha zwi zwone mađuvhani a Sodoma, zwi ḋo vha nga u ralo musi Murwa-muthu a tshi dzumbululwa.” Zwenezwo, ri a ḫivha.

²³⁷ Ri vhona mu—mulilo lutomboni, bomo dza atomo. Ri vhona tshakha dzo ḥiwaho nga mbungu, tshakha dzi khou kwashekana. Ri a vhona uri Israele u shangohaya. Tshiga tshiñwe na tshiñwe tshe tsha kona u fulufhedziswa, tsho khunyelela. Tshithu tshi tevhelaho ndi Murwa o fulufhedziswaho, A Daho.

²³⁸ Oo Mudzimu wa U Ya Nga Hu Sa Fheli, Vhuhoneni ha Yesu Kristo, Muya Mukhethwa muhulwane une wa vha hafha zwino u tshi khwaṭhiswa uri U hafha, ipfa thabelo ya havha vhathe, ipfa havha Ḥakriste; uri, musi ndi tshi ḥuwa, vha sa ḋo ri, “Mukomana Branham o ita itshi.” Muṇwe muthu-vho we vha sa mu divhe, o vhea zwanda khavho, huno vha fhodzwa. Fhedzi Wo fulufhedzisa uri Ipfi ḥi na tshiga. Huno ngavhe vha tshi fhodzwa, ndi tshi vha kumedzela kha Iwe, nga Dzina la Yesu.



IPFI LA TSHIGA TSV64-0313
(The Voice Of The Sign)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Ḵavhučanu, Ḳhafamuhwe 13, 1964, kha Oditoriamu ya Masipala Beaumont, Texas, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org